



瑞葉山房藥鈔

二十六

增
395
26

二十六



門 1 4
號
卷



廿二史約編

吳興 鄭元慶 芷畦 述

男惟鞠 恃何 編次

徐秋 夢蘭 仲

烏程 沈一揆 存田 較閱

潘世 泰彙 征 參訂

歸安 沈愷 曾樂 存

卞飛 熊廣 勤

唐書全日 正 史

本紀十

高祖 太宗

高宗 武后 中宗

全目

苑

睿宗立宗

肅宗代宗

德宗順宗憲宗

穆宗敬宗文宗武宗宣宗

懿宗僖宗

昭宗哀帝

志五十

禮樂二十

儀衛

車服

厯六

天文三

五行三

地理七

選舉二

百官四

兵

食貨五

刑法

藝文四

表十五

宰相三

方鎮六

宗室世系

宰相世系五

列傳一百五十

后妃

太穆竇后 文德長孫后 徐賢妃 王后
則天武后 和思趙后 韋后上官昭容

后妃

肅明劉后 昭成竇后 王后
貞順武后 元獻楊后 楊貴妃

后妃

張后 章敬吳后 貞懿獨孤后 睿真沈
昭德王后 韋賢妃 莊憲王后 懿安

全目

二

匏

唐

郭太后 孝明 鄭太后 恭僖王太后 貞

獻蕭太后 宣懿 韋太后 尚恭 宋若昭 郭

貴妃 王賢妃 元昭 晁太后 惠安王

太后 郭淑妃 恭憲王太后 何后

宗室

江夏郡王道宗 弟廣甯 縣公道興 永安壯

王孝基 四世孫 惟陽壯王道玄 六世從

孫 漢 長平肅王叔良 子郇國公 孝協 孝協

弟子 彭國公 思訓 叔良 從孫 新興郡王 晉

長樂郡王 幼良 襄武郡王 琛 河間元王

孝恭子 晦 漢陽郡王 瓌 廬江郡王 瑗

淮安靖王 神通 子膠東郡王道彥 梁郡公 孝

逸 四世孫 國貞 高五世孫 說 四世孫 齊物 齊

物子 復 襄邑恭王 神符 六世孫 從 晦 隴

高祖廿二子

隱太子 建成 衛懷王 玄霸 巢刺

王元吉 楚哀王 智雲 荆王 元景

元方 漢王 元昌 豐悼王 元亨 周王

徐康王 元禮 韓王 元嘉 子

黃公譔 彭思王 元則 鄭惠王 元

懿 霍王 元軌 號莊王 鳳 道孝

王元慶 鄧康王 元裕 舒王 元名

魯王 靈夔 江安王 元祥 密貞

王元曉

滕王 元嬰

太宗九王

常山 愍王 承乾 鬱林王 恪 子成王 千

里吳王 琨 琨子 信安郡王 禕 禕子 趙國

公 暉 禕弟 嗣吳王 祗 祗子 嗣吳王 曠

濮恭王 泰 庶人 祜 蜀悼王 愔 蔣

王 暉 曾孫 之芳 越王 貞 子 琅邪王 沖

紀王 慎 子 義陽王 琮 曹王 明 四世

孫 嗣曹王 皋 皋

子 象 古道 古

高宗 子 燕王 忠 澤王 上金 許王 素

節子 褒 信王 瑒 孝敬皇帝 卯 妃 父 裴

居道 章懷太子 賢子 邠王 守禮 守禮

子 廣武王 承宏 燉煌王 承宗 中宗 子

三宗諸子

全目

三

匏

懿德太子重潤 譙王重福 簡愍太子重俊 睿宗子讓皇帝憲子汝陽王 惠文太子範從子嗣岐王珍 惠宣太子業曾孫 嗣薛王知柔
 玄宗子奉天皇帝琮 太子瑛 王琬 鄂王瑤 靖其太子琬 光王琚 穎王璪 承王璘 壽王瑁 延王玢 盛宣王琦 豐王珙 沐哀王徽 肅宗子越王係 承天皇帝俊 彭王儼 襄王儂裔孫溫 恭懿太子紹 代宗子昭靖太子 魏王述 德宗子舒王誼 通王謙 虔王諒 肅王詳 文敬太子源 順宗子邕王經 憲宗子惠昭太子甯 禮王暉 絳王悟 建王恪 穆宗子懷懿太子湊 安王

十二宗諸子

諸帝公主

世祖一 高祖十九 睿宗十一 高宗三 睿宗八 憲宗十八 德宗十一 肅宗七 代宗十八 穆宗八 敬宗三 文宗四 武宗七 宣宗十 懿宗八 僖宗二 昭宗十一

李密

單雄信 祖君彥

王世充 竇建德

薛舉

子仁 杲

李軌 劉武周 高開道 劉黑闥

徐圓朗

蕭詵 輔公祏 沈法興 李子通

朱粲 林士弘 張善安 梁師都 劉季

眞

唐

劉文靜、裴寂

趙文恪李思行李高遷姜寶誼許世緒劉思立劉義節錢九隴樊興公孫

武達龐卿暉張長孫張平高李安遠馬三寶李孟嘗元仲文秦行師

屈突通、尉遲敬德、張公謹

子大安秦瓊唐儉弟憲憲裔孫次

次子扶扶弟持持子彥謙段志玄

三世孫文昌文昌子成式

劉弼、基、殷、開山、劉政會

子奇七世孫崇望崇望兄崇龜弟崇魯許紹

子圉師曾孫欽寂欽弟欽明程知節、柴紹、任瓌、邱和

子行恭

溫大雅

弟彥博大有四世孫佶佶子造造子璋彥博裔孫廷筠廷筠弟延皓皇甫無

逸、李襲志

弟襲姜謩子行本行本孫皎皎子慶初皎弟晦崔善爲

李嗣眞

杜伏威

養子闕棱王雄誕

張士貴、李子和、苑君璋、羅藝、王

君廓

李靖

弟客師客師孫令問靖五世孫彥芳李勣

侯君集、張亮、薛萬均

弟萬徹萬備盛彥師盧祖尚劉世讓劉蘭李君羨

高儉

子履行眞行五世孫重竇威

孫德玄

房元齡

子遺愛

杜如晦

弟楚客叔父淹五世孫元穎元穎弟子審權審權子讓能

魏徵

五世孫譽

全目

五

袍

唐

王珪孫薛收子元超從兄子元敬馬周子載韋挺子

待價從孫薛稷子伯陽

李綱孫安仁李大亮兄子道裕戴胄兄子劉洎樂

瑋弟崔仁師孫湜湜

陳叔達楊恭仁子思訓弟師封倫裴矩宇文士及

陳善果從兄權萬紀族孫閻立德弟立蔣儼韋

引機孫岳姜師度強張知謩

蕭瑀從子鈞鈞兄子嗣業鈞孫嵩子華嵩孫

岑文本孫羲從子長虞世南李百藥子安褚亮劉

孫李玄道姚思廉孫瑋瑋令狐德棻鄧世隆顧

李守素弟班

蘇世長子良嗣良韋雲起孫方孫伏伽張玄素

于志寧曾孫休烈休烈孫高季輔張行成族子易

長孫無忌從父無忌族叔順德褚遂良曾孫韓瑗

來濟兄李義琰弟義琛上官儀

杜正倫從子求仁崔知溫兄知高智周石仲郭正

一趙弘智孫來章崔敦禮楊弘禮弟弘武弘武

族父盧承慶弟劉祥道子齊賢齊賢李敬玄

全目

六

飽

唐

弟元 劉德威 子審禮審禮弟延景審禮孫昇審禮從弟延嗣 孫處約 子

邢文偉 高子賢

傅奕 呂才 子方毅 陳子昂 王無競趙元

劉仁軌 裴行儉 子光廷光廷子慎 婁師德

崔義玄 子神基神慶 楊再思 弟季昭 竇懷貞 從子 宗

楚客 弟晉卿 祝欽明 郭山 王嶼

諸夷蕃將 史大奈 馮盎子智戴族人子猷 阿史那社尒 阿史那忠 執失思力 契苾何力子明 黑齒常之 李謹行 泉男生子獻誠 李多祚 李湛 論弓 仁孫惟貞 尉遲勝 尚可孤 裴玢

郭孝恪 張儉 弟延師 王方翼 子 蘇定方 薛仁貴 子訥弟

子嵩 嵩 程武挺 王孝傑 唐休璟 張仁愿 張敬忠 王

峻

王義方 員半干 石抱忠 韓思彥 子 蘇安恆 薛登 王求

禮 柳澤 從祖 馮元常 從弟 蔣欽緒 子沈沈弟清

唐臨 兄皎 張文瓘 兄文琮文琮子錫 徐有功 五世孫商

商子 彦若

崔融 曾孫從從兄能從子 徐彥伯 蘇味道 豆盧欽

望 史務滋崔元

全目

七

匏

唐

狄仁傑子光嗣族 郝處俊孫象賢 朱敬則兄仁軌

王綝孫備孫遂 韋思謙子承慶嗣立嗣立子陸

元方子象先景倩景融景融四世孫 王及善李

日知杜景佺 李懷遠子景伯景

裴炎從子 劉禕之郭翰 魏玄同子恬 李昭德 吉頊

張廷珪 韋湊子見素見素子諤諤弟子顛湊從 韓

思復子朝宗朝 宋務光呂元 辛替否 李渤 裴漣

張 李中敏李款 泉

武平一 李父賈曾子白居易 弟行簡從

桓彥範盧襲秀薛季昶楊 敬暉 崔元暉孫煥煥子

張柬之 袁恕已高孫

劉幽求 鍾紹京 崔日用子宗之從 王冕張 王毛仲

李守德 陳玄禮

魏元忠 韋安石子陟斌兄叔夏叔夏 郭震

李嶠 蕭至忠 盧藏用 韋巨源 趙彥昭和逢堯

姚崇子奕奕曾 宋璟子

蘇環子頊說說子均 張說子均

魏知古 羅懷慎子 李元紘 杜暹族子 張九齡子拯

全目

八

匏

唐

從孫 韓休 子洪混混子

張嘉貞 子延賞延賞子弘靖弘靖子源乾曜 族孫光裕光裕

子 裴耀卿 孫

蘇珣 子尹思貞畢構 弟李傑鄭惟忠王志愔許景

先潘好禮 倪若水席豫齊幹 孫抗

裴守真 子餘曾 孫行立 崔沔 盧從愿 李朝隱 王邱嚴挺

之 子武從孫

裴崔 從祖弟寬寬子 陽嶠 宋慶禮 楊瑒 崔隱甫 李

尚隱 解琬

宗室宰相

適之 峴 勉 夷簡

劉子立

子 覲 覲子滋 滋弟子敦 敦子吳兢 韋述 蔣

父

子 係 係子曙 柳芳 子 登 登子沈 既濟 子 傅 傅子

詢

郭虔瓘 郭知運

子英傑 王君奭 張守珪 子獻誠獻

恭獻恭子 獻 誠從弟 獻甫 王忠嗣 牛仙客

宇文融 韋堅 楊愔 矜 王錡 盧

哥舒翰 子 高仙芝 封常清

李光弼 子 彘 弟光進 荔非元禮 郝廷玉 李國臣 白

全目

九

絕

唐

器鳥

郭子儀

子耀 晞 晞 孫承 叔 晞 弟 腰 子 釗 縱

李嗣業

馬 麟 李 抱 玉 從 弟 抱 真 子 緘 路 嗣 恭 子 應

房琯

子 孺 復 孫 啓 族 孫 式 張 鎬 李 泌 子 繁

崔圓

苗 晉 卿 裴 冕 裴 遵 卿 子 向 向 孫 樞 呂 譚

崔光遠

鄧 景 山 崔 魏 少 游 衛 伯 玉 李 澄 子 克 甯 韓 全

義盧從史高霞寓

李麟

楊 綰 崔 祐 甫 子 植 從 子 倭 柳 渾 兄 識 韋 處 厚 路 隋

高適

元 結 李 承 章 倫 薛 珏 子 存 慶 崔 漢 衡 戴 叔 倫 王

羽

子 正 雅 兄 羽 羽 曾 孫 疑 徐 申 郝 士 美 辛 祕

來稱

裴 田 神 功 弟 神 侯 希 逸 崔 甯 三 世 從 孫 蕤 嚴 礪

元載

卓 英 璘 李 少 良 王 縉 幹 黎 楊 炎 庚 嚴 鄧 寶 參 族 子 申 吳 通 玄

李栖筠

子 吉 甫 吉 甫 子 德 修 李 鄘 孫 候

王思禮

魯 炅 王 難 得 孫 辛 雲 京 從 弟 京 杲 弟 旻 馮 河 清

姚

李 芑 李 叔 明 子 昇 曲 環 王 虔 休 盧 羣 李 元 素 盧

士玟

令狐彰

子 建 張 孝 忠 子 茂 宗 茂 昭 康 日 知 子 志 睦 志 陸 子

承

李 洧 劉 澶 田 弘 正 子 布 王 承 元 牛 元 翼 傅 良 彌 李

全目

十

飽

唐

史孝章

劉晏

孫濛兄暹暹孫潼元琇

第五琦班宏王紹李

巽

李揆常袞趙憬崔造齊映盧邁

關播

李元平董晉子溪陸長源劉全諒

袁滋趙宗儒竇易直

張謐

姜公輔武元衡從弟

李絳宋申錫

段秀實

子伯倫孫凝文

顏真卿

李晟

子愿憲懇聽子孫王化

馬燧

子暢子孫子錡

楊朝晟戴休顏陽惠元子李元諒李觀韓游瓌杜

希全邢君牙

陸贄

韋皋

兄聿弟子

張建封

子嚴震

從孫

韓弘

子公武弟充

鮑防

李白良蕭昕薛播樊澤

子宗師

王緯

吳湊

兄子士矩

鄭權

陸巨盧坦

開濟美

柳晟

崔戎

子雍

徐浩

子温

孟簡

劉伯芻

子寬夫寬

楊憑

弟疑

潘孟陽

子敬

崔元略

子鉉鉉

子沆元略

章綬

張薦

孫趙涓

子博

李紆

鄭雲逵

徐岱王仲舒馮伉

全目

十一

鮑

庾敬休

姚南仲 獨孤及 子朗郁 顧少連 韋夏卿 弟子 段平

仲呂元膺 許孟容 弟季 薛存誠 子廷 李遜 子方 玄弟

建建 子訥

孔巢父 從子 孫綽 孫綽 子贊 崔邠 弟 鄒柳

公綽 子仲 鄧仲 鄧子 璞 璧 珙 珙 公 楊於陵 馬總

歸崇敬 子登 登 奚陟 崔衍 盧景亮 王源 薛萃 子 膺 衛

次公 子 薛戎 弟 放 胡證 丁公著 崔引禮 崔立亮 王

質 殷侑 孫盈 王彥威

鄭餘慶 子滄 滄 子 鄭珣 瑜 子 覃 覃 子 裔 高郢 子 鄭

綱 孫 權 德 輿 子 崔羣

賈耽 杜佑 子式 方式 方子 悰 悰 子 孺 休 令狐楚 子 緒

綯 綯 子 瀉 楚弟 定

白志貞 裴延齡 崔損 韋渠牟 李齊運 李實 皇甫鏞

鏞 弟 王播 弟 起 起 式 式

韋執誼 王叔文 王 伍 韓 睦 陳 陸質 劉禹錫 柳宗元

程昇

杜黃裳 子 裴 埒 李藩 韋貫之 子 澳 兄 綬 綬 子 溫 蕭 祐

唐

高崇文子承簡伊慎朱忠亮劉昌裔范希朝王鏐子

孟元陽王栖曜子茂元劉昌子士涇趙昌李景略任

迪簡張萬福高固郝毗史敬奉野詩良輔

李光進弟光顏烏重肩石洪李琪王沛子逢楊元卿子延宗曹

華高瑀劉沔石雄

于頔子季友王智興子晏平宰杜兼從弟羔羔子中立杜亞范傳

正

裴度子謙

李逢吉元稹牛僧孺子蔚蔚子徽蔚弟叢李宗閔楊嗣復子

授子張

竇羣兄常牟弟鞏劉栖楚張又新楊虞卿弟漢公從兄汝士張

宿熊望柏蒼

韓愈孟郊張籍皇甫湜盧仝賈島劉叉

錢徽孫珣崔咸章表徽高鉞子湜弟銖子湘馮宿弟定從弟審

李虞仲李翱盧簡辭兄子知猷弟弼止高元裕

兄少逸封敖鄭薰敬晦韋博李景讓弟景温

劉蕡

李訓鄭注王涯賈餗舒元興王璠郭行餘韓約羅立言李孝本顯

全目

十三

包

唐

師邕李貞素

李德裕子熈熈子延古

陳夷行李紳李讓夷曹確劉瞻弟助李蔚

李固言李珣崔琪子涓兄珣珣弟澹澹子遠蕭鄴鄭肅孫仁表

商盧均方盧簡章琮周焜裴休劉瑑夏侯趙隱裴

坦從子贊鄭延昌王溥盧光啓章貽範

畢誠崔彥昭劉鄴豆盧陸辰鄭繁朱朴孫韓偓兄儀

馬植楊收兄發弟嚴路巖章保盧攜

鄭畋王鐸弟王徽章昭度張濬

周寶王處存子部鄧處訥雷陳儒劉巨容馮行趙德

諲子匡楊守亮楊晟顧彥朗弟彥暉

王重榮兄子琪諸葛爽李罕之王敬武子師孟方

立從弟

楊行密時溥朱宣孫儒

高仁厚趙彘弟昶田頔朱延壽

劉建鋒成汭杜洪鍾傳劉漢宏張雄王潮弟審劉

知謙盧光

忠義夏侯端劉感常達敬君弼謝叔方

呂子臧馬元規王行敏盧士叡李玄通

全目

十四

匏

唐

羅士信 張道源族子楚金 李育德李公

逸張善相 高叡子仲舒 安金藏 王同

皎孫潛周憬 吳保安 李澄子源

彭 盧奕孫元輔 張介然崔無波

顏杲卿兄春卿 賈循從子隱林

忠義 張巡 許遠南霽雲雷萬春姚萇

程千里袁光廷 龐堅薛愿 張興 蔡廷

玉符合奇子璘 劉迺 孟華 張伾

周曾 張名振 石演芬 吳澈

卓行 高沐 賈直言 辛謙 黃碣孫揆

元德秀李萼 權皋 甄

孝友 李知本 張志寬 劉君良 王少玄 任

敬臣 支叔才 程袁師 武弼度 宋思

禮 鄭潛曜 元讓 裴敬彝 梁文貞 張

沈季詮 許伯會 陳集原 陸南金

琇 侯知道程俱羅 許法慎 林攢

陳饒奴 王博武 萬敬儒 章全益

隱逸

王績 朱桃樵 孫思邈 田游巖史德義

孟詵 王友貞 王希夷 李元愷 衛

大經 武攸緒 白履忠 盧鴻 吳筠潘

師正劉道合司馬承禎 賀知章 秦系

張志和 孔述睿子敏行

陸羽 崔觀 陸龜蒙

循吏 韋仁壽 陳君賓 張允濟李桐客 李素

立孫至遠至遠子舍至遠弟子巖 薛大鼎

子克構 賈敦頤弟敦實楊德幹 田仁會

子歸道 裴懷古 章景駿 李惠登 羅

珣子讓 韋丹子宙宙弟岫

盧弭宣 薛元賞 何易于

儒學 徐文遠 陸德明 曹憲 顏師古弟相時

叔父游秦 孔穎達王恭馬嘉運 歐陽詢

子通 朱子奢 張上衡賈大隱 張後肩

蓋文達宗人文懿 谷那律四世孫從政

蕭德言許叔牙子子儒 敬播

劉伯莊秦景通劉訥言 羅道悰

全目 十五 範

唐

儒學

郎餘令兄餘慶徐齊暉子堅堅子嶠沉
伯儀路敬滄弟敬潛王元感王紹宗
彭景道盧粲尹知章張齊賢柳
至神馬懷素殷踐猷孔若思從弟李詡子

儒學

褚无量徐安貞元行冲陳貞節施敬
木盧履冰王仲邱康子元侯行果
趙冬曦尹愔陸堅鄭欽說盧僎啖助韋
彤陳京暢當林蘊韋公肅許康
佐

文藝

袁朗孫誼從弟承序從祖弟利貞賀德仁
庾抱蔡允恭謝偃崔信明鄭世翼
劉延祐從弟藏器藏器子知柔張昌齡
崔行功孫詵杜審言從兄易簡孫甫王
勃兄勳弟助楊炯盧照鄰駱賓王元萬頃
孫正正子義方季方范履水周思茂胡楚賓

文藝

李適韋元且劉允濟沈佺期宋之間閻朝隱
尹元凱富嘉謨劉憲李邕呂尚
王翰孫逖子成成孫簡李白張旭王
維鄭虔蕭穎士子存陸據柳并皇甫冉
蘇源

文藝

明梁肅
李華宗子翰從子觀孟浩然王昌齡崔顥
劉太真邵說于邵崔元翰于公
異李益盧綸歐陽詹從子柜李賀
失武陵李商隱薛逢李頻吳融

方技

李道風甄權許肩宗張文仲袁天綱子
客師張憬藏乙弗弘禮金梁鳳王遠知薛
頤葉法善明崇儼尚獻甫嚴善思
杜生張果邢和璞師夜光羅思遠姜撫
桑

列女

李德武妻裴淑英楊慶妻王房元齡妻
盧獨孤師仁姆王蘭英楊三安妻李
道茂
全口
十六
苞

唐

樊會仁母敬 衛孝女無忌 鄭義宗妻盧
 劉寂妻夏侯碎金 于敏直妻張 楚王
 靈龜如上官 楊紹宗妻王 賈孝女 李
 氏妻王阿足 樊彥琛妻魏 李畬母 汴
 女李 崔繪妻盧 堅貞節婦李 符鳳妻
 玉英 高毅妻秦 王緝妻章 盧惟清妻
 徐 饒娥 竇伯女仲女 盧甫妻李 鄒
 待徵妻薄 金節婦 高愍女 楊烈婦
 賈直言妻董 李孝女妙法 李端妻 董
 昌齡母楊 王孝女和子 段居貞妻謝
 楊含妻蕭 韋雍妻蕭 衡方厚妻程 鄭
 孝女 李廷節妻崔 殷保晦妻封綯 寶
 烈婦 李拯妻盧 山陽女
 趙 周迪妻 朱延壽妻王
 獨孤懷恩 武士護兄上稜 士逸孫承嗣二
 外戚 思士逸孫懿宗 士稜孫攸暨 韋温 王仁
 皎子守一 楊國
 忠 李儵 鄭光

宦者 楊思勗 高力士 程元振駱奉先 魚朝
 恩 竇文場 霍仙鳴 劉貞亮 吐突承璀
 仇士良 楊復光

宦者 李輔國 王守澄 劉克明 田令孜
 楊復恭 劉季述 韓全諷 張彥弼

酷吏 索元禮 來俊臣 來子詢 周興 邱神勣 侯
 思止 王弘義 郭弘霸 姚紹之 周利
 貞 王旭 吉温 羅希奭

藩鎮 魏博 田承嗣 從子悅 子緒 緒子季安 季安子
 懷諫 緒弟緝 史憲誠 何進道 子卯
 敬弘 敬子全 曠 韓允中 子簡
 樂彥禎 羅弘信 子紹威

藩鎮 鎮冀 李寶臣 子惟岳 惟岳弟惟簡 王武俊
 子士真 士真子承宗 王廷湊 子元逵
 元逵子紹鼎 紹懿 紹
 鼎子景崇 景崇子鎔

全目

十七

匏

唐

藩鎮盧龍

李懷仙 朱滔 劉怱子濟濟子總
朱克融 李載義楊志誠史元忠 張

仲武子直方 張允伸張公素 李茂
勳子可舉 李全忠子匡威匡威弟匡

仁恭 劉

藩鎮淄青橫海

李正己子納納子師古師道 程
日華子懷直懷直從兄懷信懷直

子權 李全 略子同捷

藩鎮宣武彰義澤潞

劉立佐鄧惟恭 吳少誠吳
少陽子元濟李祐 劉悟子

從諫從諫從子植李 佐之李師晦李丕

突厥

吐蕃

回鶻

沙陀

北狄

契丹 奚 室韋
黑水靺鞨 渤海

東夷

高麗 百濟 新羅 日本 流鬼

西域

泥婆羅 黨項 東女 高昌 吐谷渾
焉耆 龜茲跋祿迦 疏勒 于闐 天竺

摩揭陀 罽賓 康 甯遠 大勃律 骨咄

吐火羅 謝風 識匿 箇失密 骨咄

南蠻

南詔蒙巒詔越析詔浪穹詔登眺詔施浪詔
和 環王 盤盤 扶南 真臘 訶陵 投

和 瞻博 室利佛逝 名度 單單

全目

十八

匏

唐

姦臣

許敬宗 李義府 傅游藝 李林甫 陳希烈 盧杞 崔肩 崔昭緯 柳璨 蔣玄暉 張廷範 叔琮 宋友恭

叛臣

僕固懷恩 周智光 梁崇義 李懷光 陳少游 李錡 李忠臣 喬琳 高駢 朱玫 王行瑜 陳敬瑄 李巨川

逆臣

安祿山 子慶緒 高尚 孫孝哲 史思明 子朝義 李希烈 朱泚 黃巢 秦宗權 董昌

廿一史約編

吳興 鄭元慶 芷畦 述

吳以選 青臣 吳鳴鶴 孚九

同學

沈端學 既為 陳洙 選孚宣

參訂

唐書

宋歐陽修字永叔廬陵人觀文殿學士致仕仁宗朝奉詔修唐書其宋祁所著者亦令刪改修曰宋公於我為前輩其名何可沒遂於紀傳名列其名書凡二百廿五卷而舊唐書則後唐劉昫所著

唐高祖

姓李名淵字叔德成紀人涼李暹之後祖虎守進爵為王 太宗 名世民 高 尋即皇帝位

唐書

飽

高宗	名治太子九子	中宗	名顯高宗七子附武墨高宗后
睿宗	名旦高宗八子	玄宗	名隆基睿宗三子
肅宗	名亨明皇三子	代宗	名豫肅宗長子
德宗	名适代宗長子	順宗	名誦德宗長子
憲宗	名純順宗長子	穆宗	名恆憲宗三子
敬宗	名湛穆宗長子	文宗	名涵穆宗二子
武宗	名炎穆宗五子	宣宗	名忱憲宗十三子
懿宗	名漼宣宗長子	僖宗	名儼懿宗五子
昭宗	名晳懿宗七子	哀宗	名祝昭宗九子

選用隋宗室

唐高祖 在位九年 號武德

唐高祖李淵舉晉陽精兵掃除隋室席捲長驅擊夏楚降梁鄭滅燕涼俘仁杲芟武周剪黑闥皆秦王世民之功顧淫汗宮掖設詐罔眾臣附突厥為掩耳偷鈴之計文靜世讓功臣也無罪致死士及德彝佞臣也寵以高官高祖行事皆不足有天下得天下者繇世民也向使高祖如文王建成如太伯世民如子臧推刃之釁何自而生乃泥立長之說忘世民之功容元吉之忌非高祖為之釀禍耶

尉遲敬德歸唐

行開元通寶錢

李玄通舞劍自刎

高祖
帝為太原雷守會天下盜起世民知隋必亡陰與劉
文靜謀舉大事帝未之知也欲以情告懼不聽令宮
監裴寂密選宮人私侍帝因酒酣告之帝大驚寂曰
正為宮人奉公事發當誅耳帝因起兵○許為勅書
發太原等處民為兵擊匈奴○與突厥相結寂等請
立代王改易旂幟以示之帝曰此可謂掩耳偷鈴○
劉文靜為裴寂所讒劉世讓為突厥所誣俱殺之○
宇文士及妹為昭儀授上儀同封德彝以祕策干帝
遷內史侍郎○太子建成齊王元吉忌世民請誅
之帝不許房玄齡勸世民行周公事伏兵玄武門射
殺建成元吉為尉遲敬德所殺上謂裴寂等曰不圖
今日乃見此事蕭瑀陳叔達曰建成元吉本不與義
謀又無功於天下秦王功高望重其為奸謀者秦王
已討而誅之陛下若處以元良委之國務無復事矣
帝曰此吾之夙心也遂立世民為皇太子○文王舍
伯邑考而立武王○曹宣公世子子臧乃負芻之兄
宣公卒負芻殺太子自立晉執
之以子臧賢欲立之子臧辭

唐太宗

在位廿三年號貞觀

放宮女
習射殿廷
面定功臣爵
邑
引文館
除笞背刑
死刑五覆奏
三鑑
吞蝗

唐太宗弱冠起義躬親行陣所向無前史言除隋之暴
比跡湯武良然初封秦王繼命為天策上將即開館以
延賓客十八學士時人謂之登瀛洲及即位二十四人
輔天弼化圖像凌煙在朝踰踰在野皞皞甚至縱囚來
歸幾於刑措乃推刃同氣失教東宮巢刺王妃生子文
成公主和番何閤中多士莫之匡救哉然能以武撥亂
以仁勝殘胡越一家自古無有迄今觀師古王會之圖
闕貞觀政要之冊未嘗不嘖嘖稱歎也

佳鷄死懷中

剪髮和藥

張縕古上大

寶箴

馬周論事一
字不可增減

喜得薛仁貴

敬德富不易

妻

姚徵獻陵之

虞世南五絕

太宗

十八學士杜如晦房玄齡虞世南褚亮姚思廉李玄
道蔡允恭薛元敬顏相時蘇勗于志甯蘇世長薛收
李守素陸德明孔穎達蓋文達許敬宗○凌煙閣功
臣二十四人長孫無忌王孝恭杜如晦房玄齡魏徵
高士廉尉遲敬德李靖蕭瑀段志玄劉弘基屈突通
殷開山柴紹長孫順德虞世南張公謹程知節張亮
侯君集劉政唐儉李世勣秦叔寶○帝親錄囚見應
死者憫之縱使還家期以來秋就死仍勅天下死囚
皆縱遣來秋悉如期自詣無一人亡匿者帝皆赦之
○大子承乾以養刺客破廢○元吉封巢刺王妃楊
氏帝寵之生皇子明欲立為后以魏徵辰嬴之喻乃
止○置酒未央宮上皇命突厥南蠻等歌舞笑曰胡
越一家自古無有也○顏師古以諸國朝貢者多請
圖以示後乃作王會圖○帝嘗謂侍臣曰君依於國
國依於民利民以奉君猶割肉以充腹腹飽而身斃
君富而國亡夫欲盛而費廣費廣則賦重賦重則民
愁民愁則國危國危則君喪朕
嘗以此思之故不敢縱欲也

唐高宗

在位卅四年號永徽顯慶龍朔麟德乾封總
章咸亨上元儀鳳調露永隆開耀永清弘道

引刺史問民
疾苦

以身言書判
取人

王義方叱義
府

表粥燕鬚

許敬宗謚謬

唐高宗賴長孫無忌褚遂良同心輔政故永徽之始頗
類貞觀未幾溺情媚媚甘蹈聚麀瀆亂人倫何至於此
王后初忌淑妃寵召武尼入宮乃斷手足投酒甕后妃
同受其慘而武尼竟立為后非李勣許敬宗為之慫慂
耶遂良貶無忌殺寵笑刀之人猫用北門之學士天下
大權悉歸天后中外雖曰二聖而帝竟若贅旒信哉雅
奴懦不能守社稷矣太子弼醜賢又廢黜愛子且不保
何況其他嗚呼女主之惡可勝言哉

唐書

四

飽

推黎讓棗

張公藝九世同居書百忍字以進

瘦師德八戰八捷

李善感鳳鳴朝陽

高宗

太宗命長孫無忌褚遂良受顧命曰朕佳兒佳婦悉以付卿○太宗才人武氏名璽賜號娥媚娘太宗崩出為尼帝見而悅之王后陰令其長髮納之後宮欲以間蕭淑妃之寵帝大幸之拜為昭儀未幾欲立為后遂更堅以為不可帝問李勣勣曰此陛下家事何必問外人許敬宗曰田舍翁多收十斛麥尚欲易婦何況天子帝意乃決於是取遂良○武氏斷后妃手足投酒甕中曰合二姬骨醉妃曰願武為鼠吾為猫生生世世扼其喉○武后深怨無忌令敬宗誣以謀反殺之○李義府笑中有刀又柔而害物號曰人猫○元萬頃等密召入禁參決政事人謂北門學士○后稱天后帝每視朝后垂簾於後謂之二聖○帝小字雉奴初太宗謂無忌曰雉奴儒恐不能守社稷○太子即數忤后旨醜之又廢太子賢為庶人立皇孫重照為皇太孫王方慶曰未聞太子在東宮而更立太孫者帝曰自我作古可乎○新豐縣有山湧出高二十丈旁有池周二百畝具龍鳳之形禾黍之異武后以為瑞名之曰慶山

唐中宗

在位五年號神龍景龍○附武后
僭位廿一年改國曰周號十九

則天年號
嗣聖 文明
光宅 垂拱
永昌 天授
載初 如意
長壽 延載
天冊萬歲
證聖
萬歲通天
萬歲登封
神功 聖曆
久視 大足
長安
徐敬業起義
鑄匱受疏
以僧懷義為

唐中宗為武曌所廢竄居房州久罹幽辱賴五王之力得反周為唐易之昌宗既斬庶下即當以大義數曌之罪賜之死而滅其宗庶足慰在天之靈乃不能聲討而曰母實生我其誰敢怨遂從容傳位復上顯號故不旋踵而韋后肆行敗度委事三思帝則黜宮中之雙陸縱妖女之斜封信五狗而殺五王為和事天子而已淫亂罔聞逆謀旋起至遭毒身之慘嗟嗟既不能化母又不能制妻下愚不移中宗之謂歟

唐書

五

匏

白馬寺主
狄仁傑奏焚
淫祠獨存其
四
獬豸何嘗識
字
實師德唾面
自乾
九月梨花
蘇味道模稜
桃李悉在公
門
蓮花似六郎
兩足狐賦
三無坐處
葉志忠上奏
條
韋歌十二篇

中宗
武后廢帝為廬陵王居房州十四年召還東宮又七
年○五王張柬之敬暉桓彥範袁恕已崔元暉○張
易之張昌宗皆私侍武后者后以太宗才人蠱惑嗣
帝罪一戕殺主母罪二黜中宗而奪之罪三殺君之
子三人罪四自立為帝罪五廢唐宗廟罪六誅錫宗
室罪七穢德彰聞罪八奪用酷吏毒痛四海罪九○
帝使韋后與武三思雙陸而自為之點壽○安樂長
甯公主上官婕妤等倚勢用事降墨勅除官斜封付
中書○周利用冉祖雍李俊宋之遜姚紹之皆三思
耳目人謂五狗○崔琬彈宗楚客帝命結為兄弟以
和解之時人謂之和事天子○景龍初於修文館置
大學士四員學士八員直學士十二員以象四時八
節十二月凡天子游豫惟宰相及學士得從春幸梨
園並渭水祓除則賜細柳圍辟癘夏宴葡萄園賜朱
櫻秋登慈恩浮屠獻菊花酒稱壽冬幸新豐歷白鹿
觀上驪山賜浴湯池給香紛蘭澤帝有所感即賦詩
學士屬和一時競豔之然
皆狎猥佻佞無君臣體

唐睿帝 在位三年號景雲
先天太極延和

天星散落如
雪
暴武三思屍
復五王官爵

唐睿宗不能討韋后之淫亂追臨淄王一起即廢重茂
而安社稷誠以子之功而立也臨淄既封為平王上有
宋王為之兄東官未屬賴劉幽求等苦諫宋王又固辭
而平之儲位乃定夫宋王非即泰伯志哉泰伯不逃則
王季不得立宋王不讓則平王不得為太子故有平王
之大功不可無睿宗之早禪傳德避災其志固已決矣
而不能盡釋萬幾以致太平亂逆聞變登樓智者豈如
是乎

復斜封官

始置經略節度使

始置十二道按察使

睿宗

武后廢中宗而立帝及改國號周廢為皇嗣封相王中宗復位而崩太平公主等立重茂為帝臨淄王起兵討韋氏并誅其黨廢重茂請帝即位帝將立太子以宋王長平王有功疑不能決宋王辭曰國家安則先嫡長國家危則先有功苟違其宜四海失望臣死不敢居平王之上涕泣固請者累日於是立平王為太子○彗星出西方入太微太平公主使術者言於帝曰彗星以除舊布新又帝座及心前星皆有變星太子當為天子帝曰傳德避災吾志決矣遂傳位太子帝為太上皇一切大政猶決於已後太平公主與玄宗有隙遂與竇懷貞等謀廢立王珣等具言其狀玄宗乃執懷貞等斬之上皇聞變登承天門樓公主賜死於家○玄宗既立嘗遺宋王書曰魏文帝詩云西山一何高高高殊無極上有兩仙童不飲亦不食賜我一丸藥光耀參五色服之四五日身體生羽翼朕每思之服藥而求羽翼甯如兄弟天生之羽翼乎後諸王繼薨宋王獨在帝更加友愛其薨也哭之慟追謚讓皇帝

唐玄宗

在位四十三年號開元天寶

煮藥燕巖
焚珠玉繡帛
勤政務本樓
置採訪使
追諡孔子為文宣王
置太公廟
御樓觀燈大
置左右教坊

唐明皇友愛兄弟為長枕大被設五幄建花萼相輝之樓姚宋張韓相繼作相甯自瘠以肥天下漸致太平未幾倚口蜜腹劍之奸成羅鉗吉網之酷殺三子納子婦寵安祿山使其出入禁中拜楊貴妃為母結緣苟合為錦繡大襪裸裹赤心兒以綵輿昇之賜妃洗兒金銀錢復厚賜祿山以縱其歸致漁陽焱起黃屋蒙塵大河以北無堅城二十四郡無義士劍門道上鳥啼花落無非悲悼悔何及歟

張九齡上干
秋金鑑錄

姚崇救時宰
相

盧懷仁伴食

宰相

鄭虔柿葉肆

書

王鉷聚斂

張奭曳白

安祿山僭元

聖武凡二年

子慶緒僭元

載初天成天

和凡二年

明皇

開元之相姚崇尙通宋璟尙法張嘉貞尙吏張說尙
文李元紘杜暹尙儉韓休張九齡尙直各有所長○
帝嘗引鑑默不樂左右曰自韓休入朝陛下無一日
歡何不去之帝曰吾雖瘠天下肥矣○世謂李林甫
口有蜜腹有劍○吉溫羅希夷皆隨林甫所欲鍛鍊
成獄時謂羅鉗吉網○太子瑛鄂王瑤光王琚皆賜
死○納壽王妃楊氏為貴妃妃三姊皆美劭帝呼為
姨歲賜錢百萬為脂粉費兄銛以上柱國門列戟國
忠遙領劍南五家第舍聯互擬宮禁每十月帝幸華
清宮五家車騎皆從家別為隊一色俄五家隊合
爛若萬花川谷成錦繡國忠導以劍南旗節遺細墮
易瑟瑟璣珮狼籍於道香聞數十里○安祿山腹垂
過膝上戲曰此胡腹中何所有其大乃爾對曰止有
赤心耳天寶九年賜爵東平郡王兼領三鎮十四年
反於漁陽僭稱雄武皇帝國號大燕河北郡縣皆風
靡帝曰二十四郡曾無一義士耶遂幸蜀謂侍臣曰
此去劍門鳥啼花落處
處山青無非助朕悲悼

唐肅宗

在位七年號至德
乾元上元寶應

第五琦善理
財

唐肅宗以國之元子收兵靈武反旆而東不失舊物可
謂能矣乃愛張良娣任李輔國殺太子遷上皇何多失
德也聽李泌遠引衡山郭李元勳令魚朝恩節制宮人

雷海青擲樂
器於地

武士為菩薩金剛而日月食之變不聞修省節度由軍
士廢立反授以節鉞承襲故江淮雖平思明雖殺而楚

李泌衣白山
人

誦黃臺瓜餅

州河東朔方之軍仍亂於外張后越王充王之殺忽亂
於內上不保其父中不保其身下不保妻子而國祚尙
存天其未厭唐德乎

郭子儀克復兩京

李峴直言

史思明僭元應天順天凡三年子朝義僭元顯聖凡一年

肅宗

明皇避難至馬嵬驛陳元禮等以禍由楊國忠殺之又請誅貴妃明皇不得已令高力士縊死貴妃將發馬嵬父老遮道請留明皇命太子宣慰之父老共擁太子至靈武即位○帝與張良娣博打子聲聞李泌諫之乃刻乾樹雞為子擲之不響良娣以是怨泌○張后與輔國讒殺太子倓又言上皇與外人交通矯詔劫遷西內○上命郭子儀李光弼等九節度討安慶緒以宦官魚朝恩為觀軍容使○置道場於三殿以宮人為佛菩薩以北門武士為金剛神主○平盧節度王志元率裨將李懷王殺其子惟侯希逸為節度朝廷許之○江淮都統劉展反田神功討平之○史思明初黨祿山後降復反僭稱應天皇帝國號燕已而慶緒求救於思明思明殺之思明亦為其子朝義所殺後朝義之將田承嗣以莫州降朝義縊死○楚州牙將高幹殺刺史李藏用河東兵亂殺節度鄧景山朔方王元振作亂子儀平之○后忽欲殺輔國輔國使程元振逼后下殿帝驚悸而崩遂殺后及越王充王

唐代宗 在位十七年號廣德永泰大曆

漕運推劉晏為首

郭子儀自耕百畝

唐代宗殺李輔國削程元振縊魚朝恩討元載亦英毅哉李郭懷恩輩與帝少同患難者也何即位後因元載不容匿泌於江西子儀功蓋天下平時置之閒處有事則召之致懷恩六罪自訟作寇太原帝之待功臣多未得其當矣尤可笑者置百高座講仁王經幸章敬寺賜孟蘭盆而胡禿封公逐殺節度者命知留後權知留後者旋為節度擅殺兵馬者即與刺史紀綱大壞不能復振非肅宗開於前代宗繼於後歟

唐書

九

鮑

魚朝思判國子監

朱泚獻猫鼠同乳

代宗
帝謂李泌曰元載不容卿朕今匿卿於魏少遊所吐番入寇上幸陝州長安剽掠一空子儀聞廢日久至是命鎮咸陽以禦之吐番乃遁○僕固懷恩戰功無比為人構陷憤怨殊深上書自訟曰臣罪有六為先帝掃清河曲一也男玢陷虜亡歸斬之以令眾士二也二女遠嫁為國和親三也身與男場為國効命四也河北新附撫安反側五也說諭回紇使赴急難六也遂稱兵反○胡僧不空官至卿監爵為國公○李懷玉逐侯希逸詔懷玉為留後朱希彩殺李懷仙命希彩知留後李希烈逐李忠臣詔以希烈為留後李懷瑗殺朱希彩朱泚權知留後詔以泚為節度李靈曜殺孟鑒詔以靈曜為刺史○子儀子曖尚昇平公主嘗與爭言曖曰汝倚乃父為天子我父薄天子而不為公主奏之上子儀因曖入待罪帝曰諺有不癡不聾不為家翁兒女子閨房之言何足聽○郇模獻三十字一字為一事京兆以聞帝召見其言團請罷諸州團練使也言監請罷諸道監軍也他字率類此

唐德宗 在位廿五年號建中興元貞元

楊炎作兩稅賦
築奉天城
醉人為瑞
劉晏常平墮
陽城撫字心勞徵科政拙考下下

唐德宗有削平藩鎮之志但志大而才小不能成大事而任楊炎盧杞為相好貨斥賢以名稱王僭帝之亂如奉天走梁州乘輿播遷時尙有陸贄諸賢苟痛除前過共計剗區庶幾太平有日乃還宮以來刻意聚斂李兼為月進章皋為日進用裴延齡則貶陸贄信張延賞則疑晟燧渾瑊闕外之寇未平京城之盜先起藩鎮強而王室弱宦官寵而國命危貪政多而民心畔帝曰此亦天命非由人事豈其然耶

李希烈僭元武成凡四年

朱泚僭元應天天皇凡一年

官市

白望柳渾頭可斷吉不可禁

李程八磚學士

德宗

括富商錢括傲櫃質錢行稅間架除陌錢稅茶等法
○朱滔自稱冀王田悅稱魏王王武俊稱趙王李納稱齊王○平盧節度李希烈反僭稱帝國號楚其將陳仙奇殺而獻之○涇原節度姚令言兵亂帝幸奉天令言奉故盧龍節度朱泚為主僭稱大秦帝尋改漢李懷光李晟合兵討之泚遁其將韓旻殺而獻之懷光欲見帝言盧杞奸佞不得入見怨望久之亦反帝奔梁州馬燧討之懷光縊死○上以奉天窘乏故還宮以來尤好聚斂藩鎮多以進奉市恩李兼在江西有月進之人韋皋在西川有日進之人刺史進奉自裴肅始幕僚進奉自嚴綬始○裴延齡日短陸贄於上等貶贄為忠州別駕○李晟馬燧渾瑊良將也相張延賞則疑之○上初與陸贄語及亂故深自刻責贄曰今日之事皆羣臣之罪也帝曰此亦天命非由人事○郭子儀每見賓客姬妾不辭側盧杞往問疾子儀悉屏之或問其故儀曰杞貌醜而心險婦人輩見之必笑他日杞得志吾族無類矣其周慎如此

唐順宗 在位一年 號永貞

臣主傳授 文主裁可

唐順宗為太子留心藝術善隸書從幸奉天朱泚逼迫帝乘機拒戰德宗權歸宰相人不敢言帝從容論諍每多敷奏未嘗以顏色假借宦官居儲二十年天下陰受其福及即位以風瘖未愈制出帷中追陸贄陽城免天下諸色逋負罷進奉宮市五坊小兒皆政之善者故順宗之八月愈於德宗二十五年也不幸嬰疾政在二王而八司馬之黨交構縱橫人情噂沓乃從韋皋之請傳位冢嗣以安社稷不亦賢乎

陸渚有功春秋而名在八司馬之冠

杜黃裳請太子監國

順宗
追陸贄陽城赴京師未聞詔先卒。○鵬坊鵠坊鵠坊。鷹坊狗坊開府使坤之以供時狩者。○帝居深宮獨宦官李忠言昭容牛氏侍左右而王伾王叔文最用事。叔文依伾伾依忠言忠言依昭容昭容轉相交結外則陸淳呂溫李景儉韓曄韓泰陳諫柳宗元劉禹錫等采聽外事謀議唱和日夜汲汲如狂號八司馬黨士大夫畏之道路以目。○韋皋上表曰陛下哀毀成疾請權令太子親監庶政又上太子箋請奏聞王叔文過惡斥逐羣小使政出人主則四方獲安俄而荆南裴均河東嚴綬箋表繼至意與皋同而邪黨震懼帝遂傳位太子。○叔文及其黨十餘家之門車馬如市客候見叔文伾者至宿其坊中餅肆酒壚下一人得千錢乃容之。伾尤關茸專以納賄為事作大匱貯金帛夫婦寢其上。○上御宣政殿冊太子百官睹太子儀表退皆相賀至有感泣者中外大喜而叔文獨有憂色口不敢言但吟杜甫題諸葛亮祠堂詩曰出師未捷身先死長使英雄淚滿襟聞者晒之

二王貶竄

杜黃裳不得久相

李吉甫撰元和國計簿

唐憲宗 在位十五年 號元和

唐憲宗發憤為雄志平僭叛所向有功任用高崇文李愬并度增藩絳諸賢各稱其才中興之名於斯為盛顧晚節不終竟罹弑禍咎在信宦官喜進奉崇異端而已夫宮中所對惟宦豎女子此吐突承璀所以親也數進羨餘以供其費此程异皇甫鏞所以相也好神仙迎佛骨此柳泌所以官韓愈所以貶也未幾金丹藥發燥渴病生為陳弘志所弑諱言暴崩既不能享長生之樂而身罹不測求仙媚佛亦何益哉

柳宗元梓人
傳
郭橐駝種樹
傳

白居易香山
九老

憲宗

西川節度劉闢反命高崇文將兵討之擒送京師○
鎮海節度李錡反張子良擒送京師○成德節度王
承宗不奉詔命吐突承璀討之并誘昭義節度盧從
史執送京師○彰義節度吳少陽卒其子元濟匿喪
自領軍務尋反縱兵侵掠李愬襲蔡州雪夜擒之檻
送京師自廣德以來垂六十年藩鎮跋扈河南北三
十餘州自除官吏不供貢賦至是盡遵朝廷約束○
裴度在相位知無不言裴垺竭誠輔佐帝問為理之
要何先垺對曰先正其心李藩位平章會河東節度
王諤賂權近求宰相上密詔中書諤可兼宰相藩遠
取筆滅宰相字署其左曰不可時權德輿失色曰不
可宜別為奏奈何以筆塗詔藩曰事迫矣出今日便
不可止卒寢其命李絳嘗以盛暑對延英帝汗浹衣
絳欲趨出帝曰朕宮中所對惟宦豎女子殊溷人意
與卿談天下事固甚樂也○山人柳泌能合長生藥
言天台多靈草拜台州刺史○迎佛骨至京師韓愈
切諫貶潮州刺史○白居易作樂府百
餘篇規諷時事流聞禁中拜翰林學士

唐穆宗 在位四年
號長慶

李朔素服流
涕

裴度有將相
全才

唐穆宗誅李直臣用李聽復韓愈免欠錢庶幾知要矣
但忍父之仇而徒以口體悅母可謂孝乎今日幸清華
明日畋驪山何遨遊無度也聽蕭俛段文昌無故起銷
兵之議致幽州成德相繼告亂朱克融史憲誠王庭湊
跋扈不恭當誅者赦之使雄藩目無天子裴度元臣宿
望既留守輔復罷僕射此何為者元稹李逢吉詐知天
下事由是再失河朔不能復取徒信方士餌金石藥以
至疾作何前車不鑒復蹈故轍哉

深
李李之怨愈

李德裕宗閔
各分朋黨

穆宗

宿州刺史李直臣坐贓牛僧孺請誅之將軍李聽有良馬帝為太子時求之不得帝曰李聽不與朕馬是以可任遂用之復韓愈為京兆六軍不敢犯法私相語曰此尚欲燒佛骨頭何可犯耶幽州軍亂囚節度張弘靖推朱克融為留後詔為平盧節度成德節度使王庭湊殺節度田弘正自稱留後詔為成德節度相州軍亂殺刺史邢滉魏博將史憲誠殺節度田布詔以憲誠為節度詔留裴度輔政尋罷為右僕射宦官崔潭峻薦元稹知制誥朝論鄙之會同僚食瓜閣下有青蠅集其上武儒衡以扇揮之曰適從何來遽集於此同僚皆失色稹長於詩與白居易並名天下傳諷號元和體往往播之樂府宮中呼為元才子李逢吉同平章事結交王守澄勢傾朝野帝見柳公權書跡愛之問曰卿書何能如是之善對曰用筆在心心正則筆正帝默然改容知其以筆諫也柳公綽為節度過鄧縣有二吏一犯贓一舞文眾謂必殺犯贓者公判曰贓吏犯法法在奸吏亂法法亡竟誅舞文者

唐敬宗 在位二年
號寶曆

膽落温御史

唐敬宗甫立二年酒酣遇弒亦可悲矣知裴度之賢誣謗盈耳不為動搖用之為相如諫幸東都諫索勅使皆悅從之復厚待韋處厚李絳李德裕雖八關十六子附麗用事不害諸賢之進假令天永其年未始不可望治也奈遊幸無常比昵羣小西頭之勢重於南衙夜獵擊毬禍生滅燭嗚呼敬宗弒絳王立絳王殺江王立兩日之內宦官凡三易主而裴度身為上相置若罔聞賢者如此况其他乎

使
崔發擒曳中

唐書

十四

炮

裴度失印

張權輿諫幸驪山

敬宗
裴度求入朝逢吉之黨百計毀之先是民謠云緋衣小兒坦其腹天上有日被驅逐又長安城中有橫互六岡如乾象度宅偶居第五岡張權輿上言度名應圖讖宅占岡原不召而來其旨可見帝雖年少悉察其誣謗以為同平章事○帝欲幸東都度諫而止○朱克融執留勅使帝欲索之度曰克融無禮已甚殆將斃矣願陛下勿遣宣慰亦勿索勅使帝從之未幾克融果被殺○李德裕獻丹宸六箴一曰宵衣二曰正服三曰罷獻四曰納誨五曰辨邪六曰防微帝優答之○時李逢吉用事所親厚者張又新李仲言李續之李虞劉棲楚姜洽及張權輿程昔範又有從而附麗之者時人目為八閹十六子○時宦官放恣高元祐曰今西頭之勢重於南衙樞密之權過於宰相○帝最好擊毬夜獵還宮與宦者廿八人飲酒帝酒酣入室更衣殿上燭忽滅劉克明等弑帝於內室遂矯稱帝旨立絳王悟王守澄等弑之立江王涵是為文宗

唐文宗

在位十四年
號太和開成

唐文宗深知兩朝之弊恥為凡主杖殺陳弘志鴆死王守澄天下快心劉蕡雖直言下第而戒宦官勿衣羅縠其志亦銳乃不商於忠賢之宋申錫而欲仗鄭注李訓以消積蠱知其必無成功也甘露之變用甲兵於殿城天子震驚干門流血公卿要領人於刑餘之手而帝卒受制家奴終其身徒有赧獻之比涕泣之悲不敢言及宦官以至仇士良等矯詔廢立為禍益烈其君道可知而周墀以堯舜諛之鄙矣

出官人放鷹
犬省冗食

李德裕籌邊
樓

杜牧罪言

柳公權有諍臣風采

元和以來。宦官日橫。帝親策制舉人。劉蕡對策。直言其禍。竟下第。物論囂然。曰。劉蕡下第。吾輩登科。能無厚顏。○鄭注李訓等謀誅宦官。適有奏稱左金吾廳事後。石榴夜有甘露。帝命中尉仇士良等往視。至左仗風吹幕起。見執兵者甚眾。士良驚走。詣上告變。金吾兵登殿。縱殺宦官。士良等命禁兵殺訓。注等及金吾吏卒與民估販在中者數千餘人。○帝自甘露之變。意忽忽不樂。但飲酒求醉。一日問周墀曰。朕方前代何主。墀曰。堯舜。帝曰。朕豈敢比堯舜。所以問卿者。何如。赫獻耳。夫赫獻受制。強諸侯。今朕受制於家奴。殆不如也。因泣下沾襟。不復視朝。○士良等以太子立。不由己。矯詔廢之。而立瀝為皇太弟。是為武宗。○魏州軍亂。殺節度使。憲誠推何進洎知留後。詔以進洎為魏博節度。與元軍亂。殺節度李絳。盧龍將楊志誠逐節度李載義。詔以志誠為留後。○時宦豎擅權。縮紳道喪。裴度不復有經濟意。乃治第東郡。作別墅。具煥館涼臺。號綠野堂。波傲其下。與白居易。劉禹錫為文章。把酒窮晝夜相懽。

文宗

唐武宗 在位六年 號會昌

詔羣臣言事毋得乞留中

杜悰得大臣體

唐武宗首召李德裕國之大本已定。度越尋常萬萬矣。夫肅代以降。內莫甚於奄侍。外莫大於藩臣。自德裕相而澤潞平。三鎮不敢有異志。不但駕馭藩臣。亦且善制奄侍。故士良去。謂其黨曰。天子不可令閒。若讀書親近儒生。則吾輩疎矣。帝能力除浮屠。盡髮天下僧。未幾築望仙。受法籙。或為教授先生。或為崇元學士。闢佛信道。仍歸異端。金丹疾發。猶信以為換骨。竟成不諱。豈非自貽伊戚耶。

唐書

十六

苑

李德裕陳出
征三弊

李中敏判蔭

武宗
德裕性孤峭有經濟大略帝任之言聽計從唐室幾
中興其所居安邑第有起草院精思亭每計大事則
處其中雖左右侍御不得預也宣宗即位貶為崖州
司戶參軍尋卒後見夢令狐綯曰公幸哀我使得歸
葬綯語其子滿滿曰執政皆其憾可乎既而又夢綯
懼因言於帝得以喪歸初為浙西觀察使亳州浮屠
詭言水可愈疾號曰聖水江南人爭往汲之水斗三
十千奸人他汲以相欺詠德裕捕絕之因土言昔吳
有聖水齊有聖火皆本妖祥古人所禁請令填塞以
絕妄源詔從之時憲宗方迎數百歲人周息元於浙
西德裕亦疏論其誕妄○昭義節度劉從諫卒其子
稹自為留後德裕言潞澤事體與河朔三鎮不同請
詔諸道討之後稹之謀主郭誼殺稹來降德裕言於
帝曰劉稹拒命皆誼之謀今賣稹以求賞不殺之無
以懲惡帝命斬之德裕復面論三鎮由是三鎮不敢
有異志○築望仙觀於禁中以趙歸真為道門教授
先生道士劉元靜
為崇元館學士

唐宣宗

在位十三
年號大中

詔刺史毋得
外徙

帖李行名於
殿柱

唐宣宗立為皇太叔夙有隱德深自韜晦及即位謹飭
節儉惠愛民物書貞觀政要於屏焚香盥手以讀章奏
對羣臣如賓客無惰容克成先志而復河湟威懾僂佞
而刑羅祝明察沉斷用法無私故大中之政人思咏之
謂之小太宗然郭太后暴崩遷四主出廟何為獨虧大
本耶裴休請早建太子帝曰若建太子則朕遂為閒人
直至餌藥疽發之後密以子之非次託孤宦寺亦何濟
哉

庭頗牧近在禁

風魏莫禕有祖

宣宗

帝臨御宰相奏事威嚴不可仰視奏事畢忽怡然曰
可以閒語矣因問閭閻細事或談宮中遊宴無所不
至一刻許復整容曰卿輩善為之朕常恐卿輩負朕
後日不復得再相見乃起入宮○帝曰憲宗有志復
河湟今克成先志矣○樂工羅程有寵殺人眾工求
免死帝曰汝曹所惜者羅程朕所惜者高祖太宗
法竟殺之○視漢真寵冠諸優干預政事流之天德
軍○帝疑憲宗之崩郭太后預謀郭之暴崩或曰帝
弑之○李景誕言穆宗乃陛下之兄敬宗文宗乃兄
之子拜兄尚可拜姪可乎以是遷四主出太廟○帝
餌藥疽發於背宰相不得見密以第三子夔王滋囑
宦官王歸長等輔立之中尉王宗實殺歸長乃立懿
宗○于延陵為建州刺史入辭帝曰建州去京師幾
何對曰八千里帝曰卿到彼為政善惡朕皆知之勿
謂其遠此階前則萬里也卿知之乎○令狐綯擬李
遠刺杭州帝曰吾聞遠詩云長日惟消一局棋安能
理人綯曰詩人託此為高興耳
未必實然帝曰且令往試觀之

唐懿宗 在位十四年 號咸通

葉京識監軍之亂

令狐滈號白衣宰相

唐懿宗溺愛同昌嫁葬無度。猶其小者。而任其夫韋保衡。及路巖為相。遂至中官擅權。四方盜起。軍逐其帥。民逐其主。於斯時也。天下殆哉。龐勛造逆。毒徧中原。康承訓。李國昌。共討平之。最為有功。反為牛頭黨所譖。是信姦讒之輩。疎忠直之人。帝之釀禍。譬揚火也。復加薪焉。禍甯有止耶。彗星三尺。指以為瑞。其愚更甚。迎佛骨曰。朕生得見之。死亦無恨。不數月。即晏駕。事佛求福。乃更得禍。不益信哉。

唐書

十八

匏

幸安國寺設萬人齋

蕭傲上疏諫
奏佛

懿宗
帝愛同昌公主。傾宮中珍玩以為嫁資。賜第窗戶皆飾雜寶。并欄藥曰亦以金銀為之。公主卒。帝痛悼不已。殺醫官二十餘人。收其宗族三百餘人下獄。物議沸然。○韋保衡路巖二人勢傾天下。人謂之牛頭黨。○路巖罷相。出鎮西川。出城。路人以瓦礫擲之。巖自京兆尹。薛能能曰向來宰相。出府司無例。發人防衛。巖甚慚。○浙東賊裘甫攻陷象山。官軍屢敗。○徐州軍亂。逐其節度溫璋。光州民亂。逐其刺史李弱翁。○桂林戍卒龐勛作亂。眾至十萬。康承訓朱邪赤心共討平之。賜赤心姓名李國昌。○彗星長三尺。司天監奏按星經是含譽瑞星。主大喜。請宣示中外。帝從之。○迎佛骨至京。羣臣言憲宗迎佛骨。尋晏駕。帝曰朕生得見之死亦無恨。及至上降樓膜拜。流涕沾臆。迎入禁中。○時宦官多閩人。杜宣猷為福建觀察使。每寒食遣吏人分祭其先壟。宦官德之。陞宣猷觀察使。時人謂之勅使墓戶。○陝州觀察崔蕤以器韻自矜。不親政事。民訴。呈蕤指庭前樹曰。此尚有葉。何旱之有。杖之。民怒。逐蕤。蕤走渴求飲。民以溺飲之。

唐僖宗

在位十五年。號乾符。廣明中和光啓文德。

賜韋保衡死

南牙北司互相矛盾

兩市戲迎劉瞻

唐僖宗專事嬉遊。自誇擊毬狀元。戮忠拒諫。盜起民愁。黃巢破長安。車駕遷巴蜀。賴李克用。鴉軍神武。滅巢回鑾。倘加以上將。委之重任。事尚可圖也。奈何有復唐之大功。朱全忠輒欲殺之。赴訴朝廷。兩無予奪。致克用之怨。不伸全忠之惡。益肆。帝復倚任北司。至呼田令孜為阿父。縱其驕橫。克用引兵問罪。劫駕再奔。秦鳳寶雞播遷無地。天下莫不痛心。嗟乎。令孜雖流復。恭又出。全忠更熾。唐亡可立俟矣。

黃巢僭元金
統凡五年

李克用獨眼
龍

秦宗權僭稱
帝

僖宗

帝謂優人石野豬曰。朕若應擊毬。進士第須為狀元。對曰。若遇堯舜作禮部侍郎。恐陛下不免駁放。帝笑。○忠諫。謂侯昌業。孟昭。圖常。濬等。○黃巢善騎射。任俠。屢舉進士不第。與王仙芝同作亂。仙芝敗。巢自稱衝天大將軍。入據長安。帝走興元。巢僭稱大齊皇帝。李克用引兵奮擊。大破之。收復長安。巢眾殆盡。其甥林言斬巢兄弟妻子首以降。○克用兵皆衣黑賊幟。憚之曰。鴉軍至矣。當避其鋒。○巢將朱溫見巢兵勢日蹙。知其必亡。遂以華州降。賜名全忠。○克用至汴州。全忠襲之。克用走還。前後八表稱全忠陰狡禍賊。他日必為國患。乞詔削其官爵。臣自帥本部兵討之。帝累遣楊復恭等諭旨。稱吾深知卿冤。方事之殷。姑存大體。克用終不能平。○宦者田令孜驕橫。克用表請誅之。詔和解焉。克用不服。引兵逼京師。令孜夜奉帝出幸鳳翔。克用表請還宮。因罪狀令孜。請誅之。令孜引兵劫帝如寶雞。至興元。自為西川監軍。知不為天下所容。乃薦楊復恭為中尉。及克用追逼乘輿。削令孜官爵。流瑞州。帝還長安。

唐昭宗

在位十五年。號龍紀。大順。景福。乾甯。光化。天復。天祐。

遷都洛陽

唐昭宗當積亂之時。天子徒存其名。克用力匡二難。再存唐室。使信任不疑。則太原之勢常重。而三鎮諸奄猶未敢肆害也。孰意始有圍十六宅之變。韓建藩臣也。而諸王盡殺矣。繼有幽帝少陽院之變。劉季述奄奴也。而畫地數罪矣。崔胤召全忠討誅季述。而韓全誨又劫帝西幸。乘輿復返。而全忠又劫帝東遷。帝泣謂侍臣曰。紇干山頭凍散雀。何不飛去。生處樂。朕今漂泊。不知竟落何所。之數語也。聞者悲之。

鄭畷歇後詩

唐書

二十

紀

李克用夾板
鋸孫揆

重昌僭稱帝

昭宗
靖難節度王行瑜鳳翔節度李茂貞同華節度韓建各稱兵犯闕帝奔石門○韓建與劉季述矯制發兵圍十六宅諸王披髮升屋呼曰宅家救兒建盡殺之○帝與崔胤密謀欲盡誅宦官季述乃引兵入以所持鈿杖畫地責帝曰某日某事爾不從我罪一某日某事爾不從我罪二數至數十遂囚之少陽院鎖門錮之矯諭立太子裕崔胤召全忠討誅季述等帝復位時全忠茂貞各有挾天子令諸侯之意全忠表請駕幸東都京師大駭中尉韓全誨等引兵劫帝如鳳翔全忠進攻鳳翔茂貞出戰累敗帝及從官皆凍餒於是茂貞殺全誨等二十人以示梁軍而出帝以為解是時全忠迎帝自為執轡且泣且行見者咸謂其忠未幾復殺崔胤逼帝東徙至華州民夾道呼萬歲帝泣曰勿呼萬歲朕今不復為汝主也見何后泣后曰自今大家夫婦委身全忠矣時從遷洛陽者僅小黃門十數人打毬供奉內園小兒輩二百餘人行至穀水全忠教醫官許昭遠告其謀亂悉殺而代之以自是帝左右皆梁人全忠遂行弒焉

唐哀帝

在位三年
仍號天祐

柳璨不四年
為相

李振鳴梟

唐哀帝踐祚止以舊號紀年舉朝狗苟無有敢言之者致全忠恣行無忌將德王九人悉縊殺之投九曲池中復殺裴樞等三十餘人使為濁流殺人如草芥視君如孤豚欲求傳禪之後子母生全胡可得哉全忠初弒昭宗佯驚哭自投地曰奴輩負我令我受惡名於萬代濟陰之弒何竟安然為之全忠之罪上通於天矣而楊涉身為宰相亟持璽綬詣大梁以視殿下之孫供奉能不隗死耶

負國賊柳璨

唐未進退不
汚者惟司空
圖

哀帝
德王九人皆昭宗之子。○李振屢舉進士不第，故深嫉縉紳之士，謂全忠曰：「此輩自謂清流，宜投之黃河，使為濁流。」全忠笑而從之。遂殺裴樞等於白馬驛。○全忠謀禪代，事何太后，使宮人達意求禪代之後子母生全。○帝下詔，禪位於梁，遣楊涉等奉玉冊傳國。璽詣大梁，涉子凝式言於涉曰：「大人為唐宰相，國家至此，不為無過，况手持璽綬與入，雖保富貴，奈千載何？」蓋辭之。涉大駭曰：「汝滅吾族，神色不甯者，累日。○初，昭宗有猴善拜，跪號孫供奉，全忠篡位，令朝賀。猴望見全忠，即號咷不拜，全忠惡而殺之。○司空圖自僖宗時棄官歸隱，王官谷作休亭，以自誌曰：「量才一宜休，揣分二宜休，耄而蹟三宜休，又少也。情長也，率老也。迂三者皆非濟時用，則又宜休。」因自目為耐辱居士。昭宗屢徵不起，柳璨以詔徵之，圖詣闕，佯為衰野，墜笏失儀，於是下詔還山。有詩曰：「多病形容五十二，誰憐借笏趁朝參。嘗為人作碑，得絹數千匹，圖置之虞鄉，恣市人取，一日而盡。時寇盜蠶起，獨不入王官谷。唐亡圖不食而卒。」

附唐藩鎮

天雄軍今北
直大名府統
七州貝博魏
相衛磁洛
成德軍今北
直真定府統
六州恆定易
趙深冀
盧龍軍今北
直順天府統
九州幽薊營
平深莫檀媯
瀛
平盧軍今山
東青州府統
十二州淄青
濟海登萊沂

天雄 田承嗣廣德二年為節度使卒，姪悅嗣，弟緒殺之自立。卒子季安嗣，卒子懷諫幼，眾推田弘正八朝十年復亂，子布嗣，史憲誠殺之自立。憲誠又遇殺，眾推何進滔卒，子弘敬嗣，卒子全皞嗣，眾逐之。推羅弘信卒，子紹威嗣，梁開平四年滅。成德 李寶臣寶應元年為節度使，卒子惟岳嗣，王武俊殺之自立。卒子士真嗣，卒子承宗嗣，卒弟承元嗣。王庭湊殺之自立。卒子元達嗣，卒子紹鼎嗣，卒弟紹懿嗣，卒兄子景崇嗣，卒弟懿嗣，為眾所殺。盧龍 李懷仙廣德元年為節度使，朱希彩殺之自立。希彩遇殺，朱泚代之。泚入朝，弟滔代之。卒劉怱代之。卒子濟嗣，子總弒之自立。入朝，張弘靖代之。為眾所囚，推朱克融，眾又逐之。推其子种李載義殺之自立。嗣後楊志誠，史元忠，張仲武，直方，周珣，張允，仲張公，素李茂勳，可舉，李全忠，匡威，匡籌，逐殺不常，劉仁恭。

唐書

二十二

卷

密曹濮苑鄆
橫海軍今北
道河間府統
四州滄景德
棣
宣武軍今河
南歸德府統
四州汴宋毫
穎
彰義軍今河
南汝甯府統
三州申光蔡
昭義軍今山
西潞安府統
五州鄆邢潞
洛磁

代之再

平盧 李懷玉永泰元年逐其節度侯希逸而代之賜名

將劉悟

橫海 程日華興元元年為節度使卒子懷道嗣眾逐之

同捷嗣拒

宣武 劉元佐建中二年為節度使卒子士甯嗣李

彰義 吳少誠貞元二年殺其節度陳仙奇而代之卒

昭義 劉悟元和十四年為節度使卒子從諫

以上八鎮自安史之後叛以襲叛大厯

唐書

禮樂

明皇知音律酷愛法曲選子弟三百教於梨園聲有誤
者帝必覺而正之時宮女數百亦為梨園子弟帝幸驪
山楊貴妃生日命張樂長生殿奏新曲未有名會南方
進荔枝因名曰荔枝香帝又好羯鼓羯鼓本戎羯之樂
其聲焦殺特異開元廿四年升胡部於堂上而天寶樂
曲皆以邊地名若涼州伊州甘州之類明年安祿山反
諸州皆陷吐蕃

選舉

唐制取士之科其目有秀才有明經有俊士有進士有
明法有明字有明算有一史有三史有開元禮有道舉
有童子而明經之別有五經有二經有學究一經有三
禮有三傳有史科此歲舉之常選也其天子自詔者曰
制舉以待非常之才大抵眾科之目進士尤貴其得人
亦最盛方其取以辭章類若浮文少實及臨事設施奮
其事業隱然為國名臣者不可勝數

兵制

唐有天下二百餘年而兵之大勢三變其始盛時有府兵貞觀十年置折衝府凡天下十道為府六百三十四而關內二百六十一凡府三等兵于二百人為上千人為中八百人為下府置折衝都尉一人左右果毅都尉各一人其下設屬各有差平居無事則更番宿衛京師有事則命將以出事解輒罷兵散於野而將歸於朝故士不失業而將帥無握兵之重天寶以後驍騎之法又稍變士皆失拊循折衝諸府至無兵可交於是李林甫遂請停上下魚書自是徒有兵額官吏而戎器駝馬鍋幕糧糧並廢矣時府人更番上宿衛者曰侍官言侍衛天子也是時衛佐悉假人為童奴京師人恥之至相詬罵必曰侍官而六軍宿衛皆市人富者販繒綵食梁肉壯者為角觝拔河翹木扛鐵諸戲及安祿山反皆不能受甲矣於是方鎮之兵日盛武夫悍將據要險專方面既有其土地又有其人民又有其甲兵又有其財賦以布列於天下此方鎮所以不得不強而京師不得不弱也方鎮者節度使之兵也此唐兵三變之大

略也

五行

中宗時安樂公主使尙方合百鳥毛織二裙正視為一色旁視為一色日中為一色影中為一色而百鳥之狀皆見以其一獻章后公主又以百獸毛為羈面章后則集鳥毛為之皆具鳥獸狀工費巨萬公主初出降益州獻單絲碧羅籠裙縷金為花鳥細如絲髮大如黍米眼鼻觜角皆備瞭視者方見之自作毛裙貴臣富家多效之江嶺間奇禽異獸毛羽採之略盡時章后妹又為豹頭枕以辟邪白澤枕以辟魅伏熊枕以宜男皆服妖也

食貨

唐制度田以步其闊一步其長二百四十步為畝百畝為頃凡民始生為黃四歲為小十六為中二十一為丁六十為老授田之制丁及男年十八以上者人一頃八十畝為口分二十畝為永業老廢疾者人四十畝寡妻妾三十畝當戶者增二十畝皆以二十畝為永業其餘為口分永業之田樹以榆棗桑及各所宜木皆有數諸鄉有寬狹地有肥瘠人有死徙者倍半買賣各有限制

自王公以下皆有永業田，稅歛之數凡授田者，丁歲輸粟二斛，稻三斛，謂之租。丁隨鄉所出歲輸絹二匹，綾純二丈，布加五之一，綿三兩，麻三觔，非蠶鄉則輸銀十兩。兩謂之調，用人之力，歲二十日，閏加二日，不役者，日爲絹三尺，謂之庸，有事而加役，二十五日者，免調三十日者，租調皆免，通正役不過五十日，自外戚及於學生，俊士，義夫，節婦，皆免課役，水旱霜蝗，所免租庸調各有差，此高祖太宗致民殷富之大略也。自開元後，天下戶籍久不更造，丁口轉死，田畝變易，貧富升降，不實而國家侈費無節，且盜起兵興，須財益急，租庸調法弊矣。於是代宗時，始計畝定稅，斂以夏秋，至德宗，相楊炎遂作兩稅法，夏輸無過六月，秋輸無過十一月，置兩稅使，總之，量出制入，戶無主客，以居者爲簿，人無丁中，以貧富爲差，商賈稅三十之一，與居者均役，敢加斂者，以枉法論議者，謂祖宗法不可輕改，而帝方信用，炎不疑也。法行，民力未及寬，而朱滔等叛，於是用益不給，而借商之令出。

刑法

唐之刑書有四曰律令格式，令者尊卑貴賤之等數，國家之制度也，格者百官有司所常行之事也，式者其所常守之法也，凡邦國之政必從事於此，其有所違及人之爲惡而八於罪戾者，一斷以律，律之爲書，因隋之舊，爲十有二篇，一曰名例，二曰衛禁，三曰職制，四曰戶婚，五曰廢庫，六曰擅興，七曰賊盜，八曰閭訟，九曰詐僞，十曰雜律，十一曰捕亡，十二曰斷獄，其用刑有五曰笞杖，徒流死，又有議請減贖當免之法。高祖太宗除隋虐亂治以寬平，民樂其安，重於犯法，致治之美，幾乎三代之盛，考其推心測物，可謂仁矣。自高宗武后以來，毒流邦家，唐祚絕而復續，立宗廟，精爲政二十年，刑獄減省，歲斷死罪纔五十八人，以此見致治雖難，勉之則易，未有爲而不至者，以後兵革遂興，國家多故人主規規無復太宗之志，其雖有心於治者，亦不能講考大法，凡所更革，一切臨時，苟且或輕或重，徒爲繁文，不足以示後世矣。

藝文

夫王迹熄而詩亡，離騷作而文辭之士興，歷代盛衰，文

章與時高下然其變態百出不可窮極何其多也自漢以來史官列其名氏篇第以爲六藝九種七略至唐始分爲四類曰經史子集而藏書之盛莫盛於開元其著錄者五萬三千九百十五卷而唐之學者自爲著書又二萬八千四百六十九卷初隋嘉則殿書三十七萬卷至武德初有書八萬卷重復相採貞觀中魏徵虞世南顏師古等請購天下書選五品以上子孫工書者爲書手繕寫藏於內庫立宗時又借民間異本傳錄命大府月給蜀郡麻紙五千番季給上谷墨三百三十六凡歲給河間景城清河博平四郡兔千五百皮爲筆材兩都各聚書四部以甲乙丙丁爲次列經史子集四庫其本有正有副軸帶帙籤皆異色以別之安祿山之亂尺簡不藏元載爲宰相奏以千錢購書一卷仍遣使括訪江淮間文宗時復以侍講鄭覃言詔秘閣搜採於是四庫之書復完分藏於十二庫追黃巢之亂存者復尠至昭宗播遷蕩然無遺矣甲部經類十一曰易二曰書九曰詩四曰禮五曰樂六曰春秋七曰孝經八曰論語九曰讖緯十曰經解十一曰小學凡著錄四百四十家

不著錄一百十七家 乙部史類十三 一曰正史二曰編年三曰偽史四曰雜史五曰起居注六曰故事七曰職官八曰雜傳九曰儀注十曰刑法十一曰目錄十二曰譜牒十三曰地理凡著錄五百七十一家不著錄三百五十八家 丙部子類十七 一曰儒家二曰道家三曰法家四曰名家五曰墨家六曰縱橫家七曰雜家八曰農家九曰小說十曰天文十一曰歷算十二曰兵書十三曰五行十四曰雜藝術十五曰類書十六曰明堂經脈十七曰醫術凡著錄六百九家不著錄五百七家 丁部集類三 一曰楚辭二曰別集三曰總集凡著錄八百十八家不著錄四百八家

高祖寶后
后父毅在周爲上柱國尙武帝姊襄陽長公主后生髮垂過頸三歲與身等讀女誡烈女傳一過輒不忘武帝愛之養宮中異他甥及隋高祖受禪后自投牀下曰恨我非男子不能救舅家禍父遽掩其口曰毋妄言赤吾族常謂主曰此女有奇相何可妄與人因畫二孔雀屏間請昏者使射二矢陰約中目則許之射者閱數十皆

唐書

二十六

飽

不合高祖最後射中各一目遂歸焉

河間王孝恭

孝恭少沈敏有識量高祖已定京師詔拜山南招討大使
使狗巴蜀下三十餘州進擊朱粲俘其眾諸將請阮之
孝恭曰若獲之則殺後渠有降者乎悉縱之由是所至
輒下奉命討輔公廼將發大饗土杯水忽變為血坐
皆失色孝恭怡然徐曰諸君勿憂吾仗威靈問罪杯中
血安知非馭人授首象乎立取飲盡卒擒公廼嘗謂人
曰吾所居頗壯麗要非我心當別營一區令粗足充事
吾歿後子也才易以守不才不為他人所利

隱太子建成

建成謀傾秦王不已高祖召王謂曰吾起晉陽平天下
皆爾力將定爾東官以爾亟讓故成爾美今觀爾兄弟
終不相下吾欲令爾還洛陽自陝以東悉主之建天子
旌旗如漢梁孝王故事王泣辭將行建成等謀曰秦王
得土地甲兵必為患留之京師一匹夫耳因密使人說
帝言王還洛必反宜勿遣事遂寢未幾王斃建成蓋建
成自留之云

巢刺王元吉

秦王有大功而太子建成不為中外所屬元吉心喜亂
欲并圖之乃構於太子曰秦王功德日盛為上所愛殿
下雖太子位不安請為殺之太子初未忍元吉數諷許
之時榮九思為王記室作詩刺之有丹青飾成慶王帛
禮專諸之句而元吉弗悟也事果敗

霍王元軌

元軌好讀書善射尤有識略嘗以計走突厥於定州太
宗問羣臣曰朕諸弟孰賢魏徵曰臣愚不能盡知惟數
與霍王言臣未嘗不自失帝曰朕亦器之於前代孰比
對曰經學文雅漢河間東平也至孝行曾閔不能過王
嘗與處士劉元平為布衣交或問王所長於元平元平
答曰無長問者不解元平曰人有短乃見長王無所不
備吾何以稱之

平陽公主

公主下嫁柴紹高祖起義主居長安紹謂曰尊公有大
舉我欲往恐不能借奈何主曰君行矣我自為計紹既
發主乃散家貲招南山亡命得數百人自將以應帝於

唐書

二十七

鮑

道盡平諸劇賊略地至武功勒兵七萬威鎮關中尋會
秦王於渭北已絀及主對置幕府分定京師時號娘子
軍武德六年主薨葬詔加鼓吹太常議婦人葬古無鼓
吹帝曰鼓吹軍器也主身執金鼓參佐命古有是耶卒
用之

屈突通

通故以清節著秦王西入通率兵援長安為劉文靜所
破或說之降通曰吾荷隋厚恩事二主安可逃難獨有
以死報國耳居恆每自摩其頸曰要當為國家受人一
刀其訓勉士卒必流涕故力雖窮而人情為之感動
通既勢蹙高祖遣其家僮召通通立斬之其子壽復為
文靜將寶琮所獲琮縱壽往諭使降通大呼曰昔與汝
父子今讐也命左右射之京師已陷人無固志通知不
免乃下馬南向再拜號哭曰臣力屈兵敗不敢負陛下
遂被擒已見帝帝曰忠臣也厚遇之通仕隋勁正狃
法者雖至親無所回縱通弟蓋為長安令亦嚴執時人
為之語曰甯食三斗艾不見屈突蓋甯食三斗葱不逢
屈突通

劉文靜

文靜個儻有器略大業末為晉陽令與宮監裴寂善寂
夜見邏堞傳烽叱曰天下方亂吾將安舍文靜笑曰如
君言是豪英所資也高祖鎮太原文靜知其有大志深
自結既又見秦王謂寂曰唐公子非常人也豁達神武
漢高祖魏太祖之徒與俄坐李密姻黨繫獄秦王顧他
無可與計大事者私入視之文靜喜挑言曰喪亂方亟
非湯武高光不能定奈何王曰安知無人今過此非兒
女子姁相憂直欲與君共大計耳遂相與定謀文
靜進策秦王曰今上南幸江都兵填河洛盜賊蜂結大
連州縣小阻山澤動以萬數須真主取而用之誠能投
天會機奮櫜大呼四海不足定也今汾晉避盜者皆在
文靜素知其豪傑一朝號召十萬眾可立致加公府兵
數萬第下一令誰不願從鼓行入關以震天下王業成
矣王笑曰君言正合吾意於是文靜更因裴寂以交於
唐公寂以宮人私劫公皆文靜謀也唐公踐天子位
擢文靜納言時多引貴臣共榻文靜諫曰今率土莫不
臣而延見臣下言尚稱名帝坐尊嚴屈與臣子均席此

王導所謂太陽俯同萬物者也。帝曰：我雖應天受命，宿昔之好，何敢忘公。其無嫌。文靜自以才能過裴寂，遠甚。又屢有軍功，而寂位居其上，意不平。每論政，多戾駁。遂有隙。嘗與弟文起飲，酣有怨言。拔刀擊柱曰：「當斬寂。」文靜妾失愛，告其兄。上變，遂下吏訊。帝用裴寂言，殺之。文靜臨刑，撫膺曰：「高鳥盡，良弓藏，果不妄。」

秦瓊

瓊字叔寶，以字行。始為隋將來，護兒帳下卒。叔寶母喪，護兒弔之，吏怪曰：「士卒死喪，將軍未有所問，獨弔叔寶，何也？」護兒曰：「是子才而武，志節完整，豈久處卑賤耶？」已歸，王世充為龍驤將軍，與程瓌金計曰：「世充多詐，非撥亂主也。於是同降高祖，嘗賜瓊金瓶，勞曰：『卿不卹妻子，而來歸我，且又立功，使朕肉可食，當割以啖爾。』况子女王帛乎？」從征世充，建德黑闥累戰必克，進上柱國。每臨敵，敵有驍將銳士，震耀出入，以誇眾。秦王輒命叔寶往取之，躍馬挺鎗，刺之萬眾中，靡不如志。程瓌金卽程知節。

李靖

靖字藥師，姿貌魁奇。通文史，有將畧。徵時嘗謂所親曰：「丈夫遭遇要當以功名取富貴，何至作章句儒。其舅韓擒虎每與談兵，輒嘆曰：『可語孫吳者，斯人也。』楊素見而奇之，自拊其牀謂曰：『卿終當坐此。』牛弼亦以為王佐才。高祖擊突厥，靖時為馬邑丞，察其有非常志，輒自囚。上急變，傳送江都。已高祖定京師，將斬之，靖呼曰：『公起兵為天下除暴亂，而乃以私怨殺誼士乎？』秦王力為請，乃得釋，大用之。」

李勣

勣善用兵，能料敵應變，戰勝得金帛，盡散之士卒，而持法嚴，故人用命。臨敵選將，必其奇麗，福艾者，或問故，答曰：「薄命人，不可與成功。功名病將，革召弟弼，謂曰：『我卽死，欲有言，吾見房玄齡，杜如晦，高季輔，皆辛苦立門戶，亦望治後，悉為不肖子，敗之。我子孫，今付汝，汝可慎察，有不屬言，行交非類者，急榜殺，以聞。』毋令後人笑吾，猶吾笑房杜也。未幾，子敬業起義，夷族。」

李綱

安叱奴者，舞工也。高祖官之散騎，綱諫曰：「周家均工樂。」

胥不得預士伍。雖復妙如師襄，才如子野，皆繼世不易業。故魏武使禰衡擊鼓，衡先解朝衣，不敢以先王法服爲俗人褻也。齊高緯封曹妙達爲王，安馬駒開府，此有國之鑒戒。陛下新造王業，功臣賞未及徧，高才猶服草莽，而先令舞胡，鳴玉曳組，位五品，趨丹地，恐非貽厥孫謀之道。帝不納。

傅奕

武德初，奕上疏極詆浮圖法，曰：西域之教，無君臣父子，以三塗六道，欺嚇庸愚，於是有身陷犬惡，而猶於獄中禮佛，口誦梵言，以圖倖免者，今天下僧尼十萬，陛下若以十萬之衆，令相夫婦，十年孽產，十年教訓，兵農兩足，其利甯有既乎？帝下其疏，議時蕭瑀進曰：佛聖人也，奕非聖非法，請誅之。奕曰：佛逃父出家，瑀非出空桑，乃尊其教，所謂非孝者無親，瑀不答，但合掌曰：地獄正爲是人設矣。帝是奕議，奕卒。時年八十五。方其病也，未嘗問醫，一日酣寢，忽蹶然悟曰：吾死矣。夫卽自爲誌曰：傅奕，青山白雲人也。以醉死，嗚呼。

歐陽詢

高祖時，詢爲給事中，貌寢而工書，初仿王羲之法，後乃險勁過之，因自名其體高麗。嘗遣使求書，帝嘆曰：彼觀其書，固謂形貌魁梧，耶嘗行見索靖所書碑，觀之，去數步，輒返，如此者十數。及疲，乃布坐，至宿，其旁三日乃去。癖嗜如此。詢子通書亞于父，號大小歐陽。體積遂良，嘗問虞世南曰：吾書何如？智永答曰：彼一字，直五萬君。豈得此曰：孰與詢？曰：詢不擇紙筆，皆能如志。君豈得此然？則何如世南？曰：君若手和筆調，固可貴。尙通晚自矜重，狸毛爲筆，覆以兔毫，管皆象犀，非是未嘗輒書。

許胤宗

胤宗者，精醫術，仕陳，爲新蔡王參軍。王母病風，不能言，醫告術窮矣。胤宗至，曰：餌液不可進，請以黃耆防風煮湯，數十斛，置牀下，令氣如霧，熏薄之。是夕，語擢義興太守，人或勸其著書，答曰：醫特意見耳，思精則得之，意所解口莫能宣也。古之上醫，要在視脈，病乃可識，病與藥俱，惟用一物，攻之，氣純而效速，今人不善脈，顧多藥物，以幸有功，卽一藥偶中，他味相制，力弗能專，此難愈之驗也。脈妙不可傳，虛著方劑無益。

崔信明

信明生千五月五日。日方中。長而強。記博聞。嘗自矜其
文過。李百藥議者弗許。時有鄭世翼者。亦驚侷。恍輕忤
物。一日。遇信明。江中。謂曰。聞公詩。有楓落吳江冷。願見
其餘。信明欣然。多出示之。翼覽未竟。曰。所見不如所聞。
輒投諸水。引舟去。

尉遲敬德

敬德名恭。以字行。初從劉武周。武周敗。同尋相歸國。已
尋相叛。諸將併疑敬德。請殺之。秦王曰。不然。敬德若叛。
豈在尋相後耶。為引見臥內。曰。丈夫意氣相許。小嫌不
足介胸臆。我終不以浮言害良士。因賜之金。曰。如必去
者。以此為資。是日。王與王世充戰。幾為賊將單雄信所
窘。敬德躍馬大呼。橫刺雄信。墜馬。翼王出。王顧曰。公何
相報之速也。仍賜金銀一篋。敬德戰善。避稍。每單騎
入賊。雖羣刺之。不能傷也。又能奪取賊稍。還刺之。齊王
元吉使去刃與校。敬德請王加刃。而已獨去之。王卒不
能中。帝嘗問奪稍與避稍孰難。對曰。奪稍難。試使與齊
王戲。少選。王三矢稍。遂大愧服。

王珪

珪事太宗。多規切。一日。進見。有美人侍帝側。本廬江王
瑛姬也。帝指姬謂曰。廬江不道。賊其夫。而納其室。能不
亡乎。珪避席曰。陛下以廬江為是。即非耶。帝曰。朕已明
言之。乃問朕是非何也。珪曰。陛下知廬江之亡。而姬仍
在側。竊謂陛下以為是耳。帝自失。珪微時。與房杜善。
珪母李。頗有人倫。鑒嘗謂珪曰。兒必貴。然不知所與遊
者。何人。試與偕來。會房立齡等。適過其家。李聞之大驚。
勅具酒食。權盡日。喜曰。二客公輔器。汝貴不疑。

薛收

收與族兄德音。從兄子元敬。才各相埒。世稱河東三鳳。
收為長。雖德音為鷺鷥。元敬年最少。為鴛鴦。是時。收與
房杜處。腹心之奇。更相結附。而元敬謹畏。未嘗申款。曲
如晦。每嘆曰。小記室不可得。而親不可得。而疏。蓋收與
元敬俱為參軍。直記室。故稱小記室。

馬周

周善敷。奏機辨。明銳。動中。款。帝每曰。吾頃不見周。即
思之。容。文本。嘗曰。馬君論事。會文切理。無一言可損益。

聽之纏纏令人忘倦蘇張終賈正應此耳然鳶肩火色騰上必速恐不能入帝嘗以飛白書賜周曰鸞鳳冲霄必假羽翼股肱之寄要在忠力周病消渴帝每詔上藥視護且躬為調藥太子問疾疾甚悉取平日奏稿焚之日管晏暴君過取身後各吾不為也既卒帝思之甚至假方士術求見其儀容

劉洎

太宗喜好持論與公卿言事必往復詰難洎諫曰帝王臣庶聖哲凡庸等級迥絕課愚對聖持卑抗尊陛下卽降慈旨假柔顏猶恐羣臣喘縮不敢進况以神機天辨節詞振古而逆其議哉且多記損心多言耗氣心氣內損形神外勞初雖無覺久且為弊帝手詔答曰非慮無以臨下非言無以述慮驕人輕物恐由推論致之若形神心氣不為勞也

閻立本

立本故善畫太宗嘗泛舟春苑池見異鳥容與池上悅之詔侍臣賦詩而召立本伴其狀時閻外傳呼畫師閻立本立本至俯伏池頭研吮丹粉望諸侍臣羞悵流汗

歸戒其子曰吾少讀書文辭不減儕輩今獨以畫見名與厮役等若曹慎毋習然性所好雖被譽屈終不能罷也巳八為右相會姜恪以戰功擢左相一時遂有左相宣威沙漠右相馳譽丹青之嘲

虞世南

世南虞荔子與兄世基同受學於顧野王積十年精思不懈至累旬不輟沐文章婉雅慕僕射徐陵世基文過世南而瞻博不及俱名重當世議者方之二陸先在場帝時世基佞敏得君曰貴盛妻妾被服擬王者而世南躬貧約不改其初世南嘗學書於浮圖智永精其法遂為世寶云

長孫無忌

貞觀中帝嘗從容謂無忌曰人苦不自知公宜面攻朕失朕當先評公等瑕瑜高士廉心術警悟臨難不易節所乏者骨鯁唐儉善和解人然事朕二十年未嘗一言國家事場師道謹審無過而懦不更事緩急不可倚岑文本文章議論是其所長謀慮經遠自當不負於心劉洎堅正不輕然諾能自補闕馬周敏銳直道而行所任

唐書

三十二

總

足稱朕意。稽遂良、顯亮有學術，竭誠以親朕。若飛鳥依人，人自憐愛之，無忌應對，機敏善避，嫌求於古人，罕得其匹。然總兵攻戰，非所長也。諸臣皆頓首謝。

呂才

貞觀初，上病陰陽家所傳書多謬，偽淺惡世，益拘畏命才與宿學老師刪落煩訛，擬其可用者為五十三篇。合舊書四十七，凡百篇。詔頒天下，其祿命篇曰：世有同建與祿而貴賤殊，共命若胎而夭壽異。故長平坑降卒，非俱犯三刑，南陽多近親，非俱當六合。魯桓公六年七月，子同生，是為莊公。按歷歲在乙亥，月建申，然則值祿空亡，據法應窮賤。又彌勾絞六害，皆驛馬身，尅驛馬三刑。法無官命，火也。生當病鄉，法曰為人尅弱，姓陋而詩言莊公曰：猶嗟昌兮，頌而長兮，美日場兮，巧趨陰兮。惟向命一物，法當壽而公薨，止四十五，一不驗。秦莊襄王四十八年，始皇帝生於正月，故各政是歲。王寅正月，命借祿於法無官，假得祿奴婢，應少又破驛馬三刑，身尅驛馬。法望官不到命金也。正月為絕無始，有終老而吉。又建命生法當壽，帝崩時不過五十二，不驗。漢武帝以乙

酉歲七月七日，平日生當祿空亡於法無官。雖向驛馬乃隔四辰，法少無官，老而吉。武帝即位年十六，未年戶口減絕，三不驗。後魏孝文生皇興元年八月，是歲丁未，為背祿命與驛馬三刑，身尅驛馬於法無官。又生父死中法不見父而孝文受其父禪，四不驗。宋高祖癸亥三月，月生祿與命皆空亡於法無官。又生子墓中，法宜嫡子，雖有次子當早卒而高祖長子先破弒，次子義隆享國。又生祖祿下法當嫡孫，財若祿其孫，劬瘠皆篡逆。五不驗。其葬篇曰：經言葬者藏也，欲人之不得見也。後代葬說出于巫史，一物有失，便謂災及死生，多為防禁，以售其術。附妄憑妖，其書乃有百二十家。春秋王者七日而殯，七月而葬。諸侯五日而殯，五月而葬。大夫三月而殯，三月而葬。賤不同禮，亦異數。此直為起用遠近之期，庶人逾月，貴賤不同禮，亦異數。此直為起用遠近之期，量事制法，故先期而葬，謂之不懷也。後期不葬，謂之始禮也。此則葬有定期，不擇年與月一也。又曰：下已葬，定公雨不克葬，至於戊午，襄事。君子善之禮，卜先遠日者，自末而進，避不懷也。今法已亥日，用葬最凶。春秋是日葬者，二十餘族，此葬不擇日二也。今法葬家多取乾艮

唐書

三十三

飽

二時乃近夜半交與禮乖按禮周尚赤大事用旦殷尚
白用日中夏尚黑用昏此直取當代所尚不擇時早晚
也鄭卿子產及子太叔葬簡公於是司墓大夫室當柩
路若壞其室節平且而壞其室節日中而期子產
不欲壞室子太叔曰若日中而期恐久勞諸侯大夫來
會葬者然子產太叔不問時之得失惟論人事可否而
已此葬不擇時三也經曰立身行道揚名於後世以顯
父母而法曰官爵富貴葬可致也年壽修促子性蕃衍
葬可招也夫臧孫有後於魯不聞葬得吉若敖絕嗣於
荆不聞葬得凶此葬有吉凶不可信四也今法皆據五
姓為之古之葬或在國都之北趙氏之葬在九原漢家
山陵或散處諸域又何上利下利大墓小墓為哉然劉
之子孫本支不絕趙後與六國等王此則葬用五姓不
可信五也且人有初賤而後貴始泰而後否者子文為
令尹三仕三已展禽三黜於士師彼冢墓已定而不改
此名位不常何也故知榮辱升降專關諸人而不由於
葬六也世之人為葬巫所欺妄期微幸於是相塋隴希
官爵擇日時規財利謂辰日不哭欣然而受弔謂同屬

不得臨墳苦服避逆其親詭致禮俗不可以法七也

谷那律

律淹識羣書褚遂良重之稱為九經庫嘗從太宗出畋
遇雨沾漬帝問曰油衣若為可無漏律對曰以瓦為之
當不漏帝嘉其直

李清風

太宗時清風直太史局上得祕識言唐中弱女武代五
以問清風對曰其兆已成人在宮中矣又四十年而
王王而夷唐子孫殆盡帝曰求而殺之奈何對曰天之
所命不可去也王者不死徒使疑似之戮及於無辜日
陛下所親愛四十年而老老則仁雖受終易姓而不能
絕唐若殺之復生壯者則陛下子孫無遺種矣帝用其
言止未幾則天驗清風於占候若有鬼神相之非學可
致人莫能測也

裴行儉

行儉有人倫鑒在吏部時見蘇味道王勣謂曰二君後
皆掌銓衡時王勃揚炯盧照鄰駱賓王才名甚籍或引
示行儉儉曰士先器識勃等雖有才而浮躁術露豈享

唐書

三十四

魏

爵祿者炯稍沈默可至令長餘皆不得死已一一驗

薛仁貴

仁貴起自耕農將改葬其先妻柳氏曰夫有高世之才
今天子自征遼東求猛將君蓋功名以自顯富貴還鄉
葬未晚也仁貴乃往見將軍張士貴自是每戰輒捷位
至領軍大總管名震異域烏海之役坐失事貶象州已
突厥人寇召還擊突厥師至象州虜問曰唐將謂誰曰
薛仁貴虜曰吾聞薛將軍流象州死矣何佑我仁貴為
脫稍整見之虜相顧驚下馬羅拜尋解遁去仁貴每
戰必自袍以自標一日與宴內殿帝謂曰古善射有穿
七札者卿試以五甲射仁貴一發洞貫帝大驚時九姓
眾十餘萬寇邊先遣驍騎挑戰仁貴發三矢輒殺三人
於是虜氣懾悉降備軍中歌曰將軍三箭定天山壯士
長歌入漢關九姓自是遂衰

員半千

高宗御武成殿問兵家何謂三陳眾未對半千進曰古
以星宿孤虛為天陳山川向背為地陳編伍彌縫為人
陳臣謂不然夫師以義出浦若時兩順天時是天陳也

足食約費且戰且耕占地利地陳也舉三軍士如子弟
從父兄得人和是陳也帝曰善半千歷事五君清白
一節以山水自放遊堯山樂之遂定居焉卒年九十四

上官昭容

昭容名婉兒性韶警善文翰中宗暱之羣臣章奏無不
與聞與武三思通故詔書必右武氏而抑唐帝嘗數引
名儒賜宴賦詩君臣賡和帝后及長甯主安樂主作大
都昭容代也又為差第羣臣所作已乃營外宅與崔湜
亂引湜知政事而穢夫求劇職者爭候門下矣臨淄王
入斬之闕下

蘇瓌

瓌頰父子相繼為宰相襲封許公帝嘗言前世李嶠蘇
味道文擅當時號稱蘇李今朕得瓌與李必對掌書命
亦何愧前人時張說亦以文章顯與瓌稱望略等故又
號燕許大手筆帝愛其文謂曰卿所撰詔令可別錄副
本署臣某撰朕當留中自後遂為故事

張易之

易之昌宗兄弟也皆以美姿得幸武后每傅朱粉衣紉

唐書

三十五

範

綺出入禁中，寵震天下。朝貴爭造其門，號易之五郎。昌宗六郎，后每宴集，則二張諸武雜侍，博爭道為笑樂。淫蠱顯行，無復羞畏。時詔附者，倡言昌宗為王子，晉後身。后因使被羽裳，吹簫乘寓，鶴徘徊庭中，作仙去狀。詞臣爭賦詩為媚。

狄仁傑

武后欲以武三思為太子，問宰相莫敢對。仁傑曰：「臣觀天人未厭唐德，比匈奴犯邊，陛下使三思募兵踰月，不及千人，而廬陵王代之，一呼輒五萬，大較可知矣。今欲嗣統，非廬陵王不可。后怒罷，久之，召謂曰：「朕數夢雙陸不勝，何也？」對曰：「雙陸不勝，蓋為無子。天其傲陛下乎？夫姑姪與母子孰親？陛下立廬陵，則千秋萬歲常享宗廟。三思立，姪甯稱姑于廟乎？后乃感悟，即日迎歸廬陵王。王至，后匿之帳中，召見仁傑，語廬陵事。仁傑至泣下，后乃使王出，曰：「還爾太子。」

安金藏

睿宗為皇嗣時，有誣以異謀者。武后詔來俊臣問狀。左右畏慘，楚將引伏太常工安金藏，獨大呼曰：「公不信吾言，請剖心以明。」皇嗣不反，遂引佩刀自刺腹中，腸出，被地眩而仆。武后聞大驚，輿至禁中，命醫納腸，禡桑社，紿之。閱夕而蘇，后臨視，嘆曰：「吾有子不能自明，賴爾忠以免。」當是時，朝士咸高其誼。神龍初，金藏葬，母親營石墳，書夜弗息。廬墓側甘泉忽湧，李亦冬花，犬鹿相擾，本道使盧懷慎上其事，明皇以付史官。

武攸緒

攸緒則天后之兄子，好易，莊子書少變姓名，賣卜長安市，得錢輒委去。自后擅制前後，累封王，俱固辭，后疑其詐，許之以覘其所為。攸緒結廬巖下，如素遁者。盤桓龍門，少室間冬蔽茅，椒夏屋石室，所賜金銀，踏鬲及王公所遺鹿裘，素障至塵積，卒不御。市田潁陽，使家奴雜作，自混于民。晚年肌肉消，眇瞳有紫光，畫能見星。中宗嘗以璽書迎之，將至，敕有司，即兩儀殿設位，行問道禮。詔見曰：「山帔葛巾，不名不拜，攸緒至，更冠帶入舍，人贊就位。攸緒竟就常班，再拜，帝愕然，禮不及行，為之嘆息。俄而諸武禍及，攸緒獨超然。」

武平一

唐書

三十六

苑

平一以博學聞仕兼修文學士時崔日用自言明左氏春秋諸侯官族他日學士大集請與平一言經崔曰魯三桓鄭七穆奈何平一答曰慶父叔牙季友桓三子也孟孫至彘凡九世叔孫舒季孫肥凡八世鄭穆公十一子子然及二子子孔三族亡子羽不為卿故稱七穆子罕子駟子良子國子游子印子豐也一坐驚服平一還問曰齊桓楚莊時諸侯屬齊楚執政幾何人崔謝曰吾不知君能知乎平一條其始末具悉崔乃曰吾請北面一坐大笑

王勃

勃字子安六歲能屬詞九歲讀顏師古漢書法作指瑕以搥其失年未冠對策高第尋以事斥廢客劍南道出鍾陵九月九日都督某大宴滕王閣宿命其婿某作閣序將以誇客因卽席出紙筆徧請客莫敢承至勃亢然不辭都督怒起更衣遣使伺其文輒報一再報語益奇乃矍然曰天才也請遂成文極權罷勃屬文初不精思先磨墨數升則酣飲引被覆面臥及寤援筆立成不易

一字勃兄勸弟助皆著才名杜易簡稱為三珠樹勃與楊炯盧照隣駱賓王齊名世稱王楊盧駱為四傑炯嘗曰吾媿在盧前恥居王後知文者以為然勃以省父渡海溺悸而卒時年二十九

駱賓王

賓王七歲能文武后時數上疏言事除臨海丞鞅鞅不得志棄官去徐敬業起兵傳檄天下斥武后罪狀文出賓王手后讀之但嘻笑至一杯之士未乾六尺之孤安在翼然曰誰為此或以賓王對后曰宰相安得失此人敬業敗賓王亡命不知所之中宗詔求其文得數百首崔融嘗評勃等文曰勃文章宏放非常人所及炯照鄰可以企之張說曰不然盈川文如縣河酌之不竭優於盧而不減王恥居後信然愧在前謙也開元中說與徐堅論近世文章說曰李嶠崔融薛稷宋之問文如良金美玉無施不可富嘉謨如絕嶺孤峰壁立萬仞濃雲鬱興震雷勃發誠可畏也若施於廊廟駭矣閭朝隱如麗服靚妝燕歌趙舞觀者忘疲然不可類之風雅堅問今世奈何說曰韓休之文如太羹元酒有典則薄滋味

許景先如豐肌臍埋雖濃華可愛而乏風骨張九齡如素練輕縑實濟時用而寫邊幅王翰如瓊盃玉鉉雖爛然可珍而多玷缺堅謂篤論云

袁天綱

武后幼時天綱嘗見其母曰夫人法生貴子因見二子元慶元爽曰官三品保家主也見韓國夫人曰此女貴而不利夫時后最幼姆抱持出給以男天綱視其步與目曰龍瞳鳳頸極貴徵若為女當作天子高士廉嘗問曰君當終何官謝曰僕及夏四月數且盡矣如期以火山令卒子客師精父術高宗嘗置一鼠於奩令術家射之皆曰鼠客師獨曰雖實鼠然入則一出則四發之鼠生三子師嘗渡江叩舟而還左右問故曰舟中人鼻下氣皆墨不可濟俄有跛男子就舟客師曰貴人在吾可濟矣中流風忽起舟幾覆得免跛男子則婁師德也

索元禮

元禮性殘虐武后將除異己者元禮揣知旨即上書告急變因為制獄作鐵籠聲囚首加以楔囚或至腦裂死又橫木闕手足轉之號曬翅或紉囚梁上縋石于頭訊

一囚必牽連至數百自是來俊臣周興遂踵起後坐受賊下吏吏訊之不服曰取公鐵籠來乃服死獄中

來俊臣

俊臣與朱南山輩作羅織經一篇按以從事凡鞫囚必注醢于鼻掘地為牢寢以溷溺又作大枷十各為號一定百脈二喘不得三突地吼四著即承五失魂膽六實同反七反是實八死猪愁九求即死十求破家後為諸武所構詔斬西市死之日人爭挾其目隨其肝醢其肉須臾立盡仍以馬踐其骨無子餘

周興

興俊臣黨也天授中人告興反詔俊臣鞠狀興時未知被告方與俊臣對食俊臣曰囚多不服奈何興曰易耳丙之大甕中熾炭圍之何事不承俊臣曰善命取甕且熾火徐謂興曰有詔按君請嘗之興駭汗叩頭服罪謫嶺表未幾為怨家所殺

郭弼霸

弼霸自陳往討徐敬業臣誓抽其筋食其肉飲其血絕其髓武后大悅擢御史大夫時號四其御史按刺史李

唐書

三十八

卷

思徵極慘毒思徵死為厲竟自拔刀刳腹死是時大旱忽雨又洛陽橋久壞新成后一日問羣臣外有佳事否耶中張元曰比有三慶旱而雨洛陽橋成弼霸死

妃字太真本壽王妃自武惠妃薨宮中無當意者或言妃美帝召入一見異之遂別為壽王聘而自內妃解歌舞善迎帝意寵遂專房宮中號娘子妃嗜生荔枝帝為走數千里疾致之色味依然未變也妃嘗以遺還兄銛第是日比中仄帝尚不食怒管左右高力士欲驗帝意乃白以供帳酒餼百餘車送妃所帝喜賜力士御膳力士知旨是夕即請召還妃帝撫慰良渥已復得譴還外第兄國忠計以語動帝帝意動詔中人張韜光輟御食賜妃妃因韜光謝曰妾罪當萬誅然髮膚外皆上賜也今且死無以報即引刀斷髮一縷奏之曰以此留訣帝見駭惋立召還遇之如初馬嵬之厄以紫茵裹尸瘞道側其後帝密令中使治葬具啓瘞故香囊猶在中人以獻帝為悽感流涕命工貌妃於別殿朝夕往必獻款

宋璟

中宗時韋月將告武三思亂宮掖三思諷有司論月將天逆詔誅之璟請付獄按罪帝岸巾出側門謂璟曰朕謂已誅尚可請璟曰人言后私三思陛下不問即斬之臣恐有外議必按而後刑乃可服天下帝愈怒璟曰必誅月將者請先誅臣不然終不奉詔帝乃流月將嶺南開元初璟都督廣州廣人以竹茅茨屋多火璟教之陶瓦築堵列邸肆粵俗始知棟梁之利其他惠政種種已自廣還廣人請立遺愛碑璟上言碑所以誌功德臣治不足紀廣人徒以臣當國故為溢詞世競諛臣正欲釐正之請自臣始有詔許停璟既卒張嘉貞入相閣堂案見其危言切議未嘗不嘆息失聲也

張九齡

九齡侍明皇為中書令李林甫忌之會上欲擢張守珪侍中九齡諫止已欲進牛仙客尚書復諫欲賜實封又力爭帝怒曰豈以仙客寒士嫌之卿固有一門闕哉九齡頓首曰仙客起胥吏目不知書韓信淮陰一壯夫猶羞與絳灌列臣實不願與仙客伍帝不納九齡既為林甫所戾心危之適帝賜白羽扇乃獻賦以識意其未云

唐書

三十九

匏

苟効用之得所雖殺身而何忌又云縱秋風之零落終
感恩於篋中帝雖優詔答之卒罷故事公卿皆指笏於
帶而後乘馬九齡獨使人持之因設笏囊笏囊自九齡
始初安祿山自范陽偏校入奏九齡一見即謂裴光
庭曰亂幽州者必此胡雛也及討奚契丹敗九齡署其
狀曰軍法若行祿山不容免死帝曲赦之九齡曰祿山
有逆相留之恐為後患帝曰卿無以王衍知石勒而害
忠良帝後入蜀思其言為泣下乃遣祭韶州當是時天
下稱曲江公而不名

張嘉貞

宋璟罷相帝欲用嘉貞而忘其名夜詔中書侍郎韋抗
曰朕嘗記一人今為北方大將張姓而複名者其風操
可想而名不能憶卿為我思之抗曰非張齊邱乎今為
朔方節度使帝即作詔以為相夜且半適閱大臣表疏
舉一則嘉貞疏也得其名即擢同平章事遷中書令子
延賞德宗朝以西川節度使八相延賞子弘靖亦入相
時號三相張家其所居坊曰鳴珂里

韋堅

明皇時堅以聚斂術擢陝郡水陸運使堅欲通漕道乃
壅渭為堰絕霸漕而東注永豐倉下復與渭合初漕水
銜苑左有望春樓堅于樓下鑿潭以通漕帝為升樓詔
羣臣並臨觀堅取洛中山東小解舟三百貯之潭篙
工地師皆大笠侈袖芒履為吳楚服每舟署某郡即以
某郡物產暴陳其上廣陵則錦銅器官端綾繡會稽則
羅綾絳紗南海瑁象齒珠琲沈香豫章則力士蠶飲
器茗鑑釜宣城則空青石綠始安則焦葛胡瞻翠羽吳
郡則方文綾船皆尾相銜數十里不絕關中不識蓬檣
挾檣觀者駭異帝大悅擢堅左散騎常侍名其潭曰廣
運

顏杲卿

杲卿守常山史思明攻之杲卿書夜戰糧矢竭六日城
陷遂被執賊脅降不應乃取其少子季明加刃頸上曰
降活若子杲卿仍不應遂殺季明送果卿於祿山祿山
怒杲卿瞋目罵曰汝本營州牧羊羯奴竊荷恩寵天子
何負汝而反吾世為唐臣恨不磔汝以謝上乃從爾反
耶祿山大怒縛之天津橋柱節解之杲卿罵不絕賊鉤

唐書

四十

鮑

斷其舌曰復能罵否乃含糊而死時同被執者為袁履
謙死時亦先斷手足謙咀血噴賊面賊嚮之臬卿既被
害狗首於衢莫敢收有張筵者得其髮持謁帝為賜祭
俟後歸髮於其妻妻疑之髮忽動

杜甫

甫字子美負才放曠好論天下事高而不切與李白齊
名時稱李杜明皇朝獻賦三篇帝奇之拜胄曹參軍因
數上言高自稱許會祿山亂天子入蜀甫羸服走三川
往依嚴武武以世舊頗見親待而甫褊躁誕傲嘗醉登
武牀瞪視曰嚴挺之乃有此兒武銜殺之左右白其
母奔救得免大歷中出瞿塘下江陵泝沅湘登衡山因
客耒陽大水驟至涉旬不得食縣令具舟迎之饋牛炙
白酒大醉一昔卒

李白

白字太白生時母夢長庚星因名焉初與孔巢父諸人
隱岨嶠山號竹溪六逸賀知章奇其文謂為謫仙人言
之明皇即召見金鑾殿論當世事奏頌一篇帝賜食親
為調羹有詔供奉翰林猶從酒徒醉市上帝一日坐沈

香亭有感欲得白為樂章召入而白已醉左右以水頰
面稍解授筆成交婉麗精絕帝愛其才每宴必召入侍
嘗以醉使高力士脫鞵力士忿讒之貴妃白知不為親
近所容遂與知章等八人縱飲號酒中八仙懇求還山
放遊四方嘗乘舟與崔宗之自采石至金陵著官錦袍
坐舟上旁若無人晚好黃老度牛渚磯至如孰悅謝家
青山將終焉及卒葬東麓

張旭

旭吳人性嗜酒精書法每大醉呼叫狂走乃下筆或以
頭濡墨而書既醒自視以為神不可復得也世呼張顛
初仕為常熟尉有老人陳牒求判宿昔又來旭怒其煩
老人曰公筆奇妙欲以藏家耳旭因問所藏盡出其父
書示之天下奇筆也自是盡其法自言始見公主擔夫
爭道又聞鼓吹而得筆法意觀倡公孫舞劍乃得其神
後人論書歐虞褚陸皆有異論至旭無非短者傳其法
惟崔邈顏真卿云文宗時詔以李白歌詩裴旻劍舞張
旭草書為三絕

王維

唐書

四十一

範

維字摩詰九歲屬文與弟縉齊名擢進士官尚書右丞
年六十一疾甚作書與縉別停筆而化維工草隸善畫
名盛於開元天寶間雷薛諸王尊若師友畫思入神至
山水平遠雲勢石色繪家以為天機所到學者不及也
兄弟皆俊佛別墅在輞川地奇勝有華子岡欲湖竹里
館柳浪軒菜蕒泔辛夷塢日與裴廸遊其中賦詩為樂
喪妻不娶孤居三十年母亡表輞川第為寺終葬其西
張果

果不知何許人隱中條山往來汾晉間世傳數百歲人
也武后時遣使召之即死後復見恆山中明皇時再以
聖書邀至命肩輿入宮帝親問治道神仙事語秘不傳
果善息氣能累日不食數御美酒嘗云我生堯丙子歲
位侍中時有邢和璞者善知人壽天師夜光者善視鬼
帝令璞推果生死懣然無端更名果密坐使夜光視之
不見果所在帝益神之欲以玉真公主降果未言也果
一日忽謂人曰諺言娶妻得公主平地生公府是大可
畏人怪其語不倫俄使者至傳詔曰玉真公主欲降先
生果笑不奉詔辭還山詔可賜號通元先生尋尸解去

安祿山

祿山營州柳城胡也生時光照窮廬野獸皆驚及長伎
忍多知天寶中以范陽節度擊契丹還奏夢李靖李勣
向臣求食既蒙寵任帝命見皇太子不拜左右搯之故
問曰皇太子何官帝曰我百歲後當付以位謝曰臣愚
知陛下不知太子罪當死楊貴妃有寵祿山請為如養
子拜必先妃帝怪之曰蕃人先母後父其權請多類此
晚益肥腹緩及膝奮兩肩若挽牽者乃能行每乘驛入
朝必半道易馬號大夫換馬臺不爾馬輒仆及作胡旋
舞帝前又捷疾如飛也帝為起第京師戒必極侈麗曰
祿山眼孔大毋令笑我瑣卒亂天下祿山既為御史
大夫勢遂與李林甫埒然心畏林甫每見未嘗不磬折
林甫善揣人意每與語必迎剖其端祿山大駭以為神
雖盛寒時流汗也林甫復陽厚之引至中書覆以已袍
祿山德林甫呼十郎駱谷每奏事還先問十郎何如有
好言則喜若言大夫好檢校則反手據牀曰吾且死優
人李龜年每為帝學之帝輒大笑已見殺於子慶緒
慶緒之為史思明逼也遣使奉皇帝璽綬讓思明思

唐書

四十二

袍

陽約為兄弟請之出軟血盟而陰令軍中擐甲以待慶緒至再拜伏地謝曰臣不克負荷棄兩都不意大王以太上皇故暴師遠來臣罪惟大王圖之思明憲曰兵利不利何足論若為人子而殺父求位更何辭吾乃為太上皇討賊命斬之時周萬志進曰慶緒既來矣宜賜死乃縊殺慶緒

張鎬鎬有大志視經史猶漁獵然好王霸大略居恒嗜酒鼓琴自娛人或邀之即杖策往醉即返語不及世務天寶末賊圍睢陽張巡告急鎬倍道進檄濠州刺史閻邱曉趣救曉逗畱不前比至淮而巡已陷鎬怒杖殺曉鎬起布衣纜二葦而至宰相蓋望實致之云

張巡祿山反楊萬石以譙郡降逼巡使西迎賊巡率吏士哭於元元皇帝祠遂起兵討賊賊圍雍邱合狐潮舉城附賊巡乘間復城屠潮妻子磔之城上潮忿甚合眾四萬薄城攻圍六旬是時王命不復通大將六人入白曰勢不敵且上存亡莫知不如降六人者皆官開府特進

矣巡陽諾明日為設天子畫像於堂上率軍士朝人人泣下巡乃引六將至責以大義盡斬之士心益感奮賊圍睢陽巡與許遠合兵固守經數十戰皆以寡敵眾無不一當千圍既久城中食盡巡乃出愛妾謂諸將曰諸君經年乏食而忠義不少衰吾恨不割肌以啖眾甯惜一妾不以充士餒乎乃殺妾為大饗坐者皆泣下咽巡強令食之時許遠亦殺其奴以哺卒至羅雀掘鼠煮弓膠而士莫有叛者南霽雲還自賀蘭所賊知援絕攻益急巡士皆病不能戰巡乃向西拜曰臣力竭矣生不能報陛下死當為厲鬼以殺賊城遂陷巡被執賊將尹子琦謂巡曰聞公督戰大呼賊城裂血面嚼齒皆碎何至是答曰吾欲吞逆賊耳子琦怒以刀抉其口齒僅存三四等遇害巡既死大厯中巡子去疾上書曰胡孽南侵父巡與睢陽太守許遠各守一面城陷賊所入自遠分巡及校三十餘皆割心剖肌慘毒備盡而遠與麾下無傷巡臨命嘆曰嗟乎人固可有恨者賊曰公恨我乎答曰賊何足恨恨遠心不可得耳我死若有知當不赦遠地下然則國威挫衄使巡功業墮敗皆遠

唐書

四十三

匏

也臣於遠不共戴天請追奪官爵以刷冤恥事下尚書
議卒寢之後韓愈著論為遠辨誣議乃定

南霽雲

霽雲少微賤為人操舟睢陽始被圍巡築壇募死士數
日莫敢應俄有暗鳴而來者乃霽雲也對巡即泣下是
時賀蘭進明屯臨淮巡使霽雲往請師進明頗無出師
意愛霽雲反欲留之為大饗樂作霽雲泣曰睢陽士不
粒食已滿月吾何忍獨享雖食弗下咽也請置一指以
示信歸報中丞因拔佩刀斷其指一坐大驚為出涕霽
雲既出抽矢回射佛寺浮圖曰吾破賊還必滅賀蘭此
矢所以志也已城陷與巡俱被執賊招霽雲降雲未應
巡呼曰南八男兒死耳不可為不義屈霽雲笑曰欲將
有為也公知我者敢不死遂與三十六人同遇害時有
雷萬春者亦巡偏將也賊圍雍邱萬春立城上與潮語
伏弩發面著六矢萬春不動潮疑木刻人已謀得其實
大驚遙謂巡曰向見雷將軍知君節制矣

張志和

肅宗朝志和待詔翰林遭親喪遂不復仕浪跡江湖自

稱煙波釣徒所居室茨以生草椽棟不施斤斧豹席椽
屬喜垂釣不設餌觀察使陳少游往見為終日畱表其
居曰元真巷曰回軒門阻流水少游為之梁號大夫橋
帝嘗賜奴婢各一志和配為夫婦名其夫曰漁童妻曰
樵青陸羽嘗問孰為往來者對曰太虛為室明月為燭
與四海諸公共處未嘗少別有何往來謁顏真卿於湖
州真卿以其舟敝漏請更之答曰願為浮家泛宅不必
更也善圖山水酒酣擊鼓吹笛嘗撰漁歌紙筆輒成憲
宗求其歌不可得

賀知章

知章字季真性夷曠與姑子陸象先善象先嘗言季真
風流吾一日不見則鄙吝生自證聖初歷元肅二朝積
官祕書監而晚節傲嬉誕放自號四明狂客每醉輒屬
詞善草隸好事者具筆硯從之意愜即不復拒紙纔數
十字世傳以為寶天寶初知章夢遊帝所數日寤乃請
為道士詔許之捨宅為千秋觀即居之又求周宮湖數
頃為放生池有詔賜鏡湖剡川一曲既行帝賜詩皇太
子百官為之餞送

唐書

四十四

鮑

陸羽

羽字漸鴻竟陵人不知其所生或言有僧得之水濱攜歸畜之者既長以易自筮得蹇之漸曰鴻漸于陸其羽可用為儀因以為名氏其師令執糞除又使牧牛三十羽潛以竹畫牛背學書得張衡南都賦不能讀危坐効羣兒囁嚅狀師拘之令薙草莽當其記文字情懣若遺過口不作主者鞭之因亡去天寶中太守李齊物見而異之授以書上元初隱茗上自稱桑苧翁闔門著書或獨行野中誦詩擊木裴徊不得意則慟哭而返時謂為接輿也

郭子儀

子儀與李光弼齊名而得人心過之其歲入官俸無慮二十四萬緡宅居親仁里四分之一中通永巷家人三千出入不知其前後賜良田美器及名園甲館不勝紀代宗呼為大臣而不名也授中書令歷二十四考八子七婿皆貴顯諸孫數十不能盡識旦夕問安但頷之而已麾下宿將數十皆王侯貴重而子儀頤指進退之若部曲然幕府六十餘人皆為將相

李泌

德宗時太子妃蕭母部國夫人以蠶媚幽禁中帝怒責太子太子不知所對泌入帝數稱舒王賢泌揣知帝意將廢立因曰陛下有一子而疑之乃欲立弟之子帝赫然曰卿何知舒王非朕子對曰陛下昔嘗為臣言之夫有嫡子而猶為疑弟之子敢自信於陛下乎帝曰卿不顧家族耶對曰臣老位宰相以諫誅分也使太子廢他日陛下悔曰吾惟一子殺之必不我諫我亦殺泌子則臣祀遂絕雖有兄弟子非所歆也即噫鳴流涕帝悟太子乃得安

沈既濟

既濟有良史才官修撰時吳兢撰國史為武后本紀既濟議請省之合中宗紀每歲首必書曰帝在房陵太后行某事某事則名實兩得矣若后之姓氏名諱崩葬曰月才藝智略皆宜入皇后傳題其篇曰則天順聖武皇后時雖不用其議識者是之

顏真卿

真卿字清臣初為監察御史嘗使河隴五原有冤獄入

唐書

四十五

匏

不決天且旱真卿至立辨之郡人呼為御史雨已為平
原太守知安祿山必反乃陽託霖雨急增埤繕障儲廩
料材而日與賓客泛舟宴飲以紓祿山之疑祿山果目
為書生不疑也及反河南盡陷平原獨全疾使參軍李
平馳奏明皇始聞亂嘆曰河朔二十四郡無一忠臣耶
及得奏喜曰吾不識類真卿何如人所為乃若此祿
山既破東都殺李憺盧奕蔣清而傳其首河北以徇諸
郡真卿恐動衆給諸將曰吾素識澄等其首皆贖卽斬
傳首者而藏其首他日結芻績體鯨而祭之後官刑部
尚書以直不容於盧杞未幾李希烈反杞建議遣真卿
往諭遂遇害遠近聞者皆為感動真卿正色立朝為當
世重人不敢以姓名稱竝曰魯公善正草書筆力適古
世傳寶之

盧坦

坦為河南尉時杜黃裳為尹名坦諭曰某巨室子與惡
人遊破產盡察之坦曰凡居官廉雖大臣無厚蓄其能
積財者必剝下致之如子孫善守是天富不道之家不
若恣其不道以歸於人也黃裳驚異其語坦後累著績

歷東川節度使

盧綸

德宗時綸嘗以才高被名帝有作輒使賡和與吉中孚
韓翃錢起司空曙苗發崔峒耿諱夏侯審李端皆以能
詩號大歷十才子

憲宗郭后

后憲敬宗文宗武宗武宗喜畋遊角五藝五坊小兒得
出人禁中一日問后起居從容請曰如何可為盛天子
后曰審覽諫臣章疏度可用用之有不可以詢宰相毋
拒直言毋納偏言以忠良為腹心此盛天子也帝再拜
還索閱諫章自是畋幸稍稀小兒輩不敢復橫

李吉甫

吉甫明練典故有相才自德宗以來朝廷專務姑息藩
鎮有終身不易地者吉甫作相歲餘凡易三十六鎮又
嘗奏罷冗官八百員吏干四百員歲省供億鉅萬平劉
關平李錡大半皆其謀也初政事堂會食有巨牀相傳
不可徙徙則宰相輒罷吉甫笑曰豈有一牀而能制宰
相禍福者竟撤新之前卒之一歲熒惑掩太微上相吉

唐書

四十六

匏

甫曰天且殺我再遜位不許尋卒

李光顏

韓弼素驕蹇挾蔡賊以自重惡光顏忠力思有以撓蟻之乃飾名姝教之歌樂六博於以遺光顏使致辭曰以君暴露久恭進侍者憇君征行之勤光顏乃約旦日置酒大會諸將校引使者以侍姝入秀曼都雅一軍驚豔光顏徐曰我久去家室以為公憂誠知公念重然戰士皆棄妻子蹈白刃吾何心獨樂為我謝公朝廷於光顏恩厚誓不與賊俱生吾有死無二因烏咽泣下厚賂使者而還之未幾破賊五溝李愬自是得乘虛入

李愬

愬之平蔡也元濟兵尙餘二萬愬不戮一人其為賊執事帳內如園廐厮役之類皆悉用其舊而身振旅鞠場以俟裴度度既至愬以橐韃見度將避之愬曰此方廢上下分久矣請受之示以分度乃以宰相禮受愬謁蔡人為之聳動始晟之克復長安也市不易肆而愬平蔡亦如之功名之奇為近世所未有愬性儉樸絕不事華侈所居惟父時故院而愬弟聽頗盛飾服玩或誠之聽

曰家聲在人若示衰薄何以見忠功之效吾故欲誇而勸之也聽好方書擇其驗者題于帷帟墻壁間皆滿愬李晟子晟十五子愬最著

韓愈

愈既貶潮初至問民疾苦具言惡溪有鱷魚食民畜產且盡民是以窮愈乃自往視為具羊豕各一投溪水而祝以文略曰鱷魚其不可與刺史雜處此土也刺史受天子命守此土治此民而鱷魚睥然不安溪潭食民畜產以肥其身以種其子孫與刺史拒爭為雄長刺史雖驚弱亦安肯為鱷魚低首下心以為吏民羞且承天子命來其勢固不得與鱷魚辨鱷魚有知其聽刺史言潮之州大海在其南鱷魚之大蟹鰕之細無不容歸鱷魚朝發而夕至也今與鱷魚約盡三日其率醜類悉南徙以避天子之命吏三日不能至五日不能至七日不徙是終不肯徙也是終不有刺史聽從其言也不然則是鱷魚冥頑不靈刺史雖有言不聞不知也夫傲天子之命吏不聽其言冥頑不靈而為民物害皆可殺刺史則選才技吏民操强弓毒矢以與鱷魚從事

唐書

四十七

鮑

必盡殺乃止其毋悔祝之夕暴風震電起溪中數日水盡涸西徙六十里自是潮民無鱷魚患

李賀

賀字長吉每旦出必騎弱馬從小奚奴背古錦囊遇所得輒書投囊中為詩未始先立題如他人奉命程課者及暮歸足成之母嘗使婢探囊中見所書輒怒曰是兒會須嘔出心乃已以父名晉肅終身不肯舉進士韓愈為作諱避卒不出

韋處厚

敬宗荒暗月視朝裁三四處厚每入見即自陳有罪願前死以謝帝曰何哉對曰臣昔為諫官不能死諍使先帝因畋與色而至不壽於法應誅然所以不死者陛下時在春宮年十有五可恃也今皇子方襁褓臣何敢避死亡之誅帝頗感悟王庭湊之亂帝每嘆宰相不才而使姦臣跋扈處厚曰陛下有一裴度不能用乃當饋而歎恨無蕭曹此馮唐所為致慨於頗牧也帝默然

柳渾

渾字夷曠塞天寶初進士立朝抗直能盡言渾城與吐

蕃曾平涼是日帝語大臣和戎之便馬遂賀曰今日盟可百年無虜患渾進曰五帝無誓誥三王無盟詛盟詛季末事也況以季末事行於夷狄乎今日事臣竊憂之時李晟繼言曰夷情不測誠如渾語帝變色曰渾儒生未達邊事卿為大臣亦爾耶晟頓首謝夜半邊書飛報吐蕃劫盟將校皆覆沒帝大驚旦以表示渾謂曰卿書生乃能料敵萬里外

陸龜蒙

龜蒙字魯望性放逸舉進士一不中輒浪遊蘇湖間嘗至饒州三日無所詣刺史聞率官屬就見之龜蒙不樂拂衣去居松江甫里多所論撰不乘馬喜御舟楫每設篷席資東書茶竈筆牀釣具往來時謂江湖散人或號天隨子自比涪翁漁父江上丈人云其遠祖績嘗仕吳為鬱林太守罷歸無裝舟輕不能越海取石為重時號鬱林石

秦宗權

宗權起自牙將乘黃巢之亂據蔡寇荆襄破東都所至千里無煙舍師行未嘗餽餉每指鄉聚曰啖其人可飽

唐書

四十八

匏

吾衆官軍追躡獲鹽尸數十車其酷暴殘殺如此已爲
朱全忠所摧其愛將申叢囚之折其一足械至汴見全
忠警然無怖色曰英雄不兩立天亡僕以資公也臨刑
猶引頸大呼曰宗權豈反者耶顧輸忠不效耳觀者大
笑

董昌

僖宗時昌爲鎮海節度使既爲太尉晉封隴西郡王初
詔書至爲字償一縑以歸當制者忽復詔曰朝廷負我
吾奉金帛不貲何惜越王不與我當自取之遂僭大號
先是吳越間有鳥四目三足其鳴曰羅平天冊昌以爲
受命之符遂建國號曰大越羅平建元天冊自稱曰聖
人每下制詔必署名其下或曰帝王無押詔體昌曰不
親署何由知我爲天子已錢鏐滅之

柳玘

玘性介特嘗著勒家訓以戒子孫曰夫門地高者一事
墜先訓雖生可苟爵位死不可見祖先地下何者門高
則自驕族盛則人窺嫉實藝懿行人未必信纖瑕微累
十手爭指矣所以修己不得不至爲學不得不堅余幼

聞先公僕射言處世以恭默爲本畏怯爲務肥家以忍
順保交以簡恭廣記如不及求名如儻來蒞官則潔已
省事而後可以言家法家法備然後可以言養人直不
近禍廉不沽名憂與禍不偕潔與富不並董生有云弔
者在門弔者在閭言憂勤則恐懼恐懼則福至又曰賀
者在門弔者在閭言受福則驕奢驕奢則禍至故世族
遠長與命位豐約不假問龜著星數在處心行事而已
今世人盛言宿業報應會不思視履考祥夫名門右族
莫不由祖考忠孝勤儉以成立之莫不由子孫頑率奢
傲以覆墜之成立之難如登天覆墜之易如燎毛余家
本以學識禮法稱於士林比喪亂以來門衰祚落基構
之重屬於後生夫人德行文學爲根株正直剛毅爲柯
葉有根無葉或可俟時有葉無根膏雨所不能活也至
於孝慈友弟忠信篤敬乃食之醢醬可一日無哉

平原公主

公主昭宗女帝在鳳翔以主下嫁李茂貞子繼偁后謂
不可帝曰不爾吾無安身所是日宴內殿茂貞坐帝東
南主拜殿上繼偁族兄弟皆西向立主徧拜之

唐書

四十九

匏

楊復恭

復恭本隋諸孫謂恭帝禪唐輒名復恭與其子守亮謀不軌分布諸子為州刺史號外宅郎君帝頗知謀罷其兵出監軍鳳翔不肯行丐致仕詔可賜几杖復恭乃遣腹心殺使者於道與守亮書曰承天門隋家舊物也兒但積粟訓兵何進奉為吾披荆榛立天子既得位便廢定策國老奈負心門生何門生謂天子也蓋昭宗立由復恭定策故云

韓全誨

全誨季述黨也季述既誅全誨知不免乃求麗姝知書者數十人侍帝左右為內詞及朱全忠兵入全誨等遂火乞巧樓劫帝西幸是時帝與后相視泣都民崩沸長樂門外若邱墟然帝入鳳翔全忠兵至晝夜攻城外兵詭守者曰劫天子賊守者詭外兵曰奪天子賊攻漸急全誨等食不能捱匕垂頭喪氣於是帝令先去四大惡以衛士十人取一首俄而全誨張彥弼等皆傳首全忠入又捕殺中官七十人又誅第五可範等八百人於內侍省時哀號之聲徹道路

藩鎮

王庭湊

庭湊嘗使至河陽醉寢於路有過其所者視之曰非常人也從者以告庭湊馳及之問故曰吾見君鼻之息左若龍右若虎子孫當王百年家有大樹覆及堂公興矣後無不驗

朱泚

泚既敗出奔失道問於野人野人曰朱太尉耶答曰漢皇帝野人曰天網恢恢走將安往泚怒欲殺之乃亡去已至涇州田希鑿拒納泚曰子之節吾所授奈何拒我因火其門希鑿從城上擲節投餞中曰還汝節已走彭原墮窖中見殺

朱滔

建中三年滔與王武俊田悅李納約為連衡如七國故事以拒朝命遂於冬十月庚申築壇祀天各僭為王滔為盟主是日三叛軍上有雲氣頗異馬遂望笑曰是雲無知乃為賊瑞耶先是其地忽高三尺後二年滔等冊壇正值其所

唐書

五十

匏

李全忠

全忠之室有蘆生焉一尺三節張建曰蘆茅類生於澤分茅之兆也傳節者其三世乎光啟中全忠拜節度使子匡威匡籌繼之

劉元佐

德宗時沛有相國寺忽傳佛軀流汗時元佐為節度使即親往大施金帛於是將吏商賈奔走輸金錢者恐後積十日元佐勅止籍所入得巨萬因以贍軍其權譎類如此

吳元濟

自吳少誠盜有蔡四十年兵騎無所憚內恃跋凌重阻故合天下兵攻之三年纔克三縣帝命裴度為行營招撫使李愬以精騎夜襲蔡執元濟獻廟社狗於市斬之帝美度功命韓愈為平淮西碑愈以元濟之平多歸功德而愬特以入蔡功居第一愬妻唐安公主女也出入禁中訴愈文不實帝亦重悟武臣意詔斲其文更命學士段文呂為之

唐外國

突厥

貞觀中胡利被禽至京不室處每設穹廬廷中久之鬱鬱不自得恒與家人悲歌相泣下狀羸瘠帝憐之以統州負山多麋麋有射獵之樂拜為刺史蘇不往尋死其子疊羅支有至性諸婦得品供羅支母以後至不得給羅支遂不敢嘗品肉帝聞嘆曰天生仁孝詎限華夷哉遂厚給其母胡利死其臣以死殉者曰渾邪曰蘇尼失帝異之命葬胡利冢旁

骨利幹

骨利幹處瀚海北草多百合掇其根以飯產良馬首似橐駝日中馳數百里其地北距海又北渡海則晝長夜短日人烹羊脾熟東方已明蓋近日出處云貞觀中大酋俟斤獻馬帝取異者號十驥有騰霜白皎雪馳凝露馳縣光驄決波駒飛霞驃發電赤流金馭翔麟紫奔虹赤諸美名

渤海

外國

渤海本附高麗其國東南瀕海日本道也南海新羅道也鴨綠朝貢道也長嶺營州道也扶餘契丹道也俗謂王曰可毒夫曰聖主曰基下王之父曰老長子曰副主谷所貴者有大白山之苑南海之昆布柵城之鼓扶餘之鹿鄭頡之豕率賓之馬顯州之布沃州之綿龍州之紬盧城之稻涪陀河之鯽果有九都之李樂遊之梨

高麗

高宗時蓋蘇文死子男生嗣帝遣李勣薛仁貴等討之時侍御史賈言忠自軍中計事還帝問狀對曰必克諺云軍無媒中道回今男生兄弟鬩很為我鄉導虜情偽我盡知之故必克且高麗秘記曰不及九百年當有八十大將滅之高氏目漢有國今九百年而李勣年八十是行不再舉矣未幾果滅之收其城百七十六

新羅

貞觀五年新羅獻女樂二太宗曰比林邑獻鸚鵡一言思鄉乞還況於人乎付使者歸之永徽初國王織錦為頌帝美其意褒詔答之

日本

永徽初國王孝德獻琥珀大如斗瑪瑙如五升器建中初使者道人與能獻方物道人蓋因官而氏者也與能善書其紙似繭而澤人莫之識是時又有蝦蟇人朝貢蝦蟇亦居海島中其使者鬚長四尺許

高昌

高祖時高昌遣使獻狗高六寸長尺能曳馬銜燭云出拂菻中國之有拂菻狗自此始貞觀中朝貢不至上命侯君集等討滅之俘其君智盛盛弟智湛有子昭好學嗜書見鬻異書者其母輒顧笥中金歎曰何愛此不使子有異聞乎以是昭頗工文藝

干闥

干闥有玉河國人取玉每視月光盛處即得美玉西有沙磧風大如蝟色類金出入羣鼠為從

天竺

天竺有五分東西南北中而中天竺在四天竺之會其畜有稍割牛相傳飲其血者壽五百歲半壽如之率十日一割國有文字善步歷學尚浮屠法國中處處指曰佛故跡也貞觀中浮屠玄奘至其國國王尸羅逸多見

唐書

五十二

匏

外國

謂曰而國有聖人出作秦王破陳樂試為我言其為人
玄奘粗言太宗英武狀王喜曰我當東面朝之因遣使
者上書闕下帝遣使撫慰王驚問國人曰自古亦有摩
訶震旦使者至吾國乎皆曰無有王乃出迎膜拜受詔
已復遣使獻火珠鬱金香菩提樹開元中獻五色能言鳥

拂菻

拂菻即大秦也居西海上有珊瑚洲洲人乘大船墮鐵
網於水底珊瑚初生磐石上如齒一歲而黃三歲赤枝
格交錯高三四尺鐵發其根系網船上絞而出之失時
不取即腐

大食

大食男子鼻高黑而髯女子白背出則障面日五拜天
神見王則不拜銀帶佩銀刀歲獻貴人蒲萄大者如雞
卵有千里馬相傳為龍種云開元中遣使獻馬鈿帶謁
見不拜有司詰之辭曰國人止拜天見王無拜也有司
切責乃拜其國有二種一曰黑衣大食貞元中遣使來
朝傳言其國西南二千里有木生花如人首然與語則
笑笑則落

南詔

南詔一曰六詔夷人謂王為詔六帥各治一區故名六
詔貞元中南詔酋異年尋遣使獻鐸鞘浪劍鬱刃生金
瑟瑟琥珀牛黃等物鐸鞘者狀如殘刃有孔旁達出麗
水飾以金所擊無不洞夷人尤寶愛月以血祭之鬱刃
鑄時以毒藥并治取迎躍如星者凡十年乃成淬以馬
血以金犀飾鐸首傷人即死浪人所鑄故亦曰浪劍王
所佩蓋已七世云

詞陵

上元間國人推女子為王號悉莫威令極嚴峻道不舉
遺大食君聞之齎金一囊置其郊行人輒避如是三年
太子過以足躡金悉莫怒將斬之羣臣固請悉莫曰而
罪實本於足可斷足羣臣又固請卒斷指以殉大食聞
而畏之不敢加兵有二屬國曰曇陵曰陀洹貞觀時貢
白鸚鵡首生十丹毛齊於翅又有道明國人無衣服見
衣服者則笑之

驃

驃古朱波也其屬國十八有江支流凡三百六十土熟

唐書

五十三

匏

王居金為甕厨覆以銀瓦變以香木堂飾明珠有二池以金為隄舟楫皆飾金寶其浮圖鉛錫為瓦荔支為材又有百寺民七歲祝髮入寺至二十而不達其法乃復為民國有巨白象高百尺認者焚香跪其前自思是非而退國有灾疫王亦焚香對象跪自咎又有姑蔑國婦人總髮為角以辨夫之多少貞元中吐蕃數侵勿鄧其大鬼主乞援於章臯臯遣將直那時大破之青海斬其將乞藏遮遮等遮遮尚結贊子也以尸還其部下百餘人行哭使一人立尸左一人問之曰瘡痛乎曰然即傳藥又問欲食乎曰然即進食又問欲衣乎曰然即進裘又問欲歸乎曰然即以馬載尸而去勿鄧亦驃屬也南蠻有繡脚種刻蹠至腓為文繡面種生踰月涅黛於面雕題種身面涅黛穿鼻種以金銀環徑尺貫其鼻下垂過頤君長以絲係環人牽乃行其次以二花頭金釘貫鼻下出長鬚種棟鋒種皆額前為長髻下垂過臍行以物舉之君長則二女在前共舉其髻乃行飛頭獠頭欲飛周項有痕如縷妻子共守之

吐蕃

吐蕃本西羌屬居析支水君長曰贊普曰論贊曰弄贊貞觀中遣使齎幣求昏許之妻以宗女文成公主長慶中遣使來乞盟詔遣大理寺劉元鼎就盟其國踰成紀抵河廣武梁故時城郭未隳蘭州地皆植稻桃李榆柳岑蔚戶皆唐人見使者靡蓋夾道觀至龍支城耆老千人拜且泣問天子安否自言頃從軍沒於此今子孫未忍忘唐服朝廷尚念之乎兵何日來言已皆嗚咽問之豐州人也

環王

環王即林邑也國之南有銅柱五相傳漢馬援所植援之還也畱者才十戶至隋末繁衍至三百皆姓馬遂號馬畱人其國以二月為歲首檳榔瀋為酒柳葉為席貞觀中獻五色鸚鵡白鸚鵡數詠寒乃詔還之自交州渡海歷赤上丹丹諸國多火珠大如雞卵圓白光照數尺日中以艾藉珠輒火有舍利鳥能通人言其隣有扶南國生剛金狀類紫石英生水底石上人汲水取之可以刻玉扣以

殺角乃泮

